

**IC YAKORWA KUGIRA NGO ABANYARWANDA BONGERE BABANE NEZA**  
=====

Mbere yo gushaka umuti w'ikibazo ni ngombwa gushaka inkomoko yacyo. Nyuma ukagishakira umuti kugirango kitazongera kubaho ukundi, byarangira ukagifatira umwanzuro wacyo.

Mugushaka inkomoko y'ikibazo ni ngombwa gusesengura ariko utagamije gusesereza (guharabika). Ibyo usesengura ugomba, ugomba kubisnungura aliko utagamije gushunga (kwisekera) abo ugira inama.

Ntabwo ugomba gushaka umuti w'indwara utazi iyo ariyo, niyo mpamvu ugomba **gucukumbura** iyo ndwara ariko utagamije gururika abanyarwanda.

Niyo mpamvu muri iyil nyandiko ari ngombwa kurimbura n'imizi igitera cyangwa icyateye umwirryane muri bene kanyarwanda. Ni ngombwa kumanza kureba kure kugira ngo urebe icyaha cyarateye ariya mahano yabaye mu Rwanda.

Byaba byiza manje kugaragaza icyateye ibyabaye, nyuma nkabihamurira, ngasozesha umwanzuro rusange.

**Njye** muri iyil nyandiko nibwo nsubiza abibaza bati "Haziyunga bande?" Ese ni umuhutu n'umututsi? cyangwa se ni umukire n'umukene?

Aliko kandi nasubiza amago inyuma ngasanga ari abanyarwanda bose birinze kwihekura n'abahekuye u Rwanda kandi nabo ari abanyarwanda, nkumva rero ko abo bari bagombye kubatizwa nk'uko amadini abivuga bakavukana umutima mushya. Ntabando bagompa kubatiza keretse **UMUTABERA** bwo bushobora gutuma davuka bundi bushya.

Aliko kandi n'abasigaye banze kwikora munda bakabera ababyeyi **abarabihekuye**, bakababyara bambaye ukuri ko nzira y'ubumwe n'ubwiyunge.

Niyo mpamvu usanga nk'ibintu by'inshi byabaye muri uru Rwanda ntahandi byabaye ku'iyisi turino. Niyo mpamvu abantu bagwamo cyane cyane ari abaturage bo nkingi y'amajyambere. Mu ginugu bagagara nk'icyibanza umwubatsi yubakaho, iyo kidakomeye rero, inzu irika ndetse bikayiviramo no guhirima.

Kugira ngo mu Rwanda rero nape harabaye akageni k'amarorerwa byatewe ahanini nabo; ugasanga impamvu zibaturukaho ari uruaaca, nk'ubujiji, mu baturage usanga bukururwa no kuba abagaragu b'inda. Kuko iyo usesenguye neza usanga abaturage ari ba bashimira mu iriro. Nkiyo nari amanama abazitabira nibake, ariko aho bari butange imfashanyo ugasanga baje bose. Kuburyo ubujiji buri mu baturage atari gakondo ahubwo ari ubwo twikururira.

./...

Isoko y'ubujiji mu baturage usanga ananini ari uko baba abagaragu b'inda noneho bigaha inzira iha abayobozi babi ikiraro bambukiraho mu gukoresha abaturage mu nyungu zabo.

Ugasanga nanone ikibazo cy'ubwoba cyarabokamye kuva ku ngoma ya CYAMI kugera uyu munsı, uretse ejo bundi mu 1991 mu ruhando rw'amashyaka nibwo bari bize gutobora ngo bavuge ariko kabaye aka wa mugani ngo "Urwiga-kuvugiriza ruca umunwa".

Iyo usesenguye neza usanga ubwoba mu baturage bushingiye ku mvugo zinjiye mu banyarwanda ugasanga zarababayemo akarande.

Muri zo twavuga nka "Ntiteranya" yo wagira ngo mu banyarwanda nako mu baturage yarabaye akarande muri bo, ariko ahanini ikibabaje nuko bayishyira no mubikorwa. Iyi mvugo niyo ipfukirana ukuri ko nzira y'ubutabera bwo nkingi y'amajyambere, ubumwe n'ubwiyunge.

Ni nayo ituma bamwe twitana ba mwana kandi tukarenganya inzego z'ubutabera, ugasanga nk'uwbabonye ibyabaye yanze kubivuga uko biri bitewe n'ijo mpamvu.

Ubwo uwabigiriwe: ibyo bibi byabaye, bigatuma ahorana into-rezo y'ishyali ibagira ishyano ku ishyamba (Intimba ku mutima). Niyo mpamvu muri iki gihugu cyacu, nta na rimwe, nta m'umunsi n'umwe abanyarwanda twagira ubumwe n'ubwiyunge tutariga kuvugisha ukuri, n'ubwo abiyita injijke bagira bati "ukuri kose si ngombwa ko kuvugwa" bakirengagiza ko guca muziko ntigushye.

None ko ibyakozwe byabaye ni gute umunyarwanda yavugisha ukuri akikuramo iyo mvugo ?

Nubwo indyarya ihmwa n'indyamirizi twe nk'abanyarwanda ntabwo twari dukwiriye kwicarira amakosa ngo "Aha ibintu bizikora". None se ko uwiga aruta uwanga twakwize gukoresha ukuri, noneho tughagarara mu iringanira rya twese tukiyambura iyi mvugo "Ntiteranya" yo yatuganishiye mu mwiryane ikoreka imbaga y'abanyarwanda itabarika igatuma tunnyega ubutabera.

Iyo usubije amaso inyuma usanga mubanyarwanda hararanzwemo ubudoridori bwinshi tutirengagije icyorezo "Ntikoraho". Ari nacyo gituma abaturage bagira abayobozi babo abidishyi noneho bo bagahinduka inkoma mashyi imbere yabo bidishyi. Iyo urebye kure wifitemo ingingo yo gusesengura utagamije gusesereza, usanga abaturage barahindutse inkoma mashyi mu buryo bwose. Wafatira cyane ku byari byariswe iyamamaza mashyaka, ugasanga ba bayobozi bagizwe abidishyi bavugamo ngo, ubwoko ubu n'ubu bwaturutse aha n'aha, tugomba kubusubiza iwabo, Abaturage bahari bose bagakoma mu mashyi, bamwe bite-we n'uko ari abavandimwe ba babayobozi b'inda nini, bo babaga babi-

. / ...

fitemo inyungu n'ubwo babaga batazi ingaruka, bakirengagiza yuko uruciye munsi atamenya iki ruri imbere, abandi bagakoma mu mashyi bitewe na cya cyorezo kiri mu mitima yabo cyitwa "Ntikoraho" bigatuma birengagiza ko aho "Kurumwa n'uruyuzi warumwa n'uruyuki" Ugasanga ikintu cyose umuyobozi avuze baracyakiriye bagakoma no mu mashyi kugirango bamwereke ko babyishimiye kandi imitima yabo irimo akangononwa nkäk'uruyongoyongo kubera cya cyorezo. Bigatuma batavuga aho batumva cyangwa se ibitagenda n'umuti wabyo.

Kuko iyo urebye kure usanga kujora ibivuzwe cyangwa ibikozwe byarabagaho ari nabyo byatumaga umwami ayobora ntaho yize, akabifashwamo n'ibitekerezo yahabwaga na rubanda. Urugero: Bitewe n'uko ibyabaye muri iki gihugu uwabibonye wese ntavuga ukuri kw'ibyo yabony bitewe na cya cyorezo cyiri mu mitima yabo; cyangwa se ngo "Bazambaza aho nabibonye ndi".

Twavuze ibyerekeranye n'abayoborwa reka turebere hamwe no ku bayobora. Nkoko Bibiliya ibivuga nta buyobozi na bumwe butava ku Mana. Ariko bitavuga ko imikoreshereze y'ubuyobozi igithe cyose iva ku Mana; bitewe na ya kamere mbi ya muntu bituma abayobozi bammwe bakoresha ubuyobozi nk'uturima twabo bwite. Ariko iyo usesenguye neza utagamije gusesereza usanga mu buyobozi bw'inzego zose habonekamo, wa mukobwa uba umwe agatukisha bose. Uretse ko nyine bose atari ba miseke igoroye. Usanga mu bayobozi iyo hagaragayemo uwo mukobwa agenda yanduza abandi nkoko nyine ihene mbi ntawe uyizirikaho iye. Muri bene abo bayobozi batari beza, usanga barokamwe n'ibantu bibiri aribyo: - Indianini

- Kuba ibikoresho by'abanyamahanga.

Hano nkumva ari ngombwa ko nasobanura buri gace ukwako.

\*Inda nini: Kuva icyi gihugu kitwa ngo cyabonye ubwigenge kugeza muti 1994, ubwo igihugu cyancuze umuborogo, amaraso akameneka ari menshi cyane, usanga cyararanzwe n'abayobozi b'inda nini ariko nakwita "Isiha rusahuzi". Inda nini mu bayobozi usanga iterwa no kurenga ku nshingano yo gushaka icyateza abanyarwanda imbere ahubwo bagahitamo kwishakira inyungu zabo bwite. Usanga imvugo ngo "Ujya gutera uburezi arabwibanza irabokamye". Inda nini iterwa no kumva ko ugabanye umwanya runaka, aba aweguriwe burundi; burya ngo umwera uturutse ibukuru bucya wakwiriye hose. Yahereye mu buyobozi bwo hejuru ari byo nakwita "Kwikubira". Ari byo bituma abayobozi bo mu nzego zo hasi bahinduka ba mureke umbanze. Abo bohejuru bonye ko banvumkuwe, bitewe na cyacyiraro bambukiraho kitwa ubuji mu baturage bahita bajijisha abanyarwanda babumvisha ko ikibazo cyiri mu gihugu ari icy'amoko.

./. . .

Ugasanga iyo saho (ariyo inda nini) yabo bamwe ari yo yasubiranishijemo benekanyarwanda nabo batiretse bitewe nogushaka kugundira ubutegetsi nk'akarima bacyebewe n'ababyeyi babo.

\*Kuba ibikoresho by'abanyamahanga: Bitewe n'uko ubukoroni bwabaye mu Rwanda dukoronijwe n'abazungu, byatumye bakoresha abayobozi b'abanyarwanda mu bikorwa bifitiyemo inyungu. Wagira ngo Abanyarwanda niho bakuye insigamigani igira iti: "Ba nyamuzavuba nibo bamenya ama tongo y'abageye". Birababaje kubona umuntu ava i Burayi akaza ku kumvisha ko umuturanyi wawe yavuye aha n'aha arangwa n'ibi n'ibi. Burya rero abantu mu bandi ni babi, bitewe n'inda nini yo, bayobozi byatumye bemera kuba ibikoresho by'abanyamahanga. Ubwo abanyarwanda bari bamaze kumenya kwandika maze barabagororekera si ugusesengura icyo bise amoko rubura gica. Ukibaza niba igithe abanyarwanda babaniye batari baziranye ku mico yabo.

Ubwo politiki ya Mpatsibihugu yari imaze gukwira hose muri Afurika no mu Rwanda ntiyahatanzwe, maze ibihugu bimwe bigize iyo politiki biza mu cyo nakwita gufasha kuyobora. Maze bifasha ubutegetsi gukora ibyo bishakiye bafatanije na ba Rusarurira mu nduru b'abanyarwanda. Byaragaragaye burya ngo ushuka umupfu ntiyiriza umunsi. Na bamwe mu bagize iyo politiki, aba ariko bagenza ubu-yobozi bw'u Rwanda, bararucurika, baruca bararucacanga, bararutwika baruhindura umuyonga, maze imitima y'abanyarwanda bayifatira mu ntoki zabo, kuburyo bizeye ko igithe bazayirekurira izasandara. Niko byagenze, yarasandaye, barangije bivumburira akabo karenge basiga abavandimwe bavumbitse akabo, ati hehe n'u Rwanda.

Maze gusesengura ibyabaye n'icya biteye, nahamagarira abaturage gufata ingamba zikurikira:

1° Kubahugurira kutumva ibihuha, muri uru rwego ni ngombwa kubakangurira kumva amagambo, bagashungura ibyo babwiwe ari boyo byatuma bivaniramo ukuri kuzima.

2° Gukangurirwa umurimo, kuko byaragaragaye ko iyo nta murimo ushishikaje abanyarwanda aribwo haboneka udutsiko duharabika cyangwa se dusebanya bitewe nuko birwa bateze amatwi ubazanlye inkuru iyo ari yo yose.

3° Gukangurirwa kuyoboka amashyiranamwe kuko ariho haboneka intwaro yo kurwanya ubukene n'ubujiji, bigatuma bamenya kuvugira mu runame.

./...

- 4° Gukangurirwa kutaba ibikoresho by'abayobozi ahubwo bakiyumvisha ko abayobozi babereyeho bo. Naetse byaba ngombwa bakungurana nabo ibitekerezo byo kuzamura igihugu.
- 5° Ni ngombwa gukangurirwa kuvuga ibibazo bafite nta bwoba n'umuti wabyo. Bavugisha ukuri kubyabaye kugira ngo ubumwe n'ubwiyunge bigerweno.
- 6° Leta y'u Rwanda igomba kubakangurira kuvuga ukuri, ntibagire uwe bakingira ikibaba bakiyama umvugo Ntiteranya; berekana ibyabaye n'ibyo bazi nabwo bakiyama icyorezo "Ntikoraho".
- 7° Gukangurira abaturage gutinyuka gushyikirana n'abayobozi babo byaba mu muhezo cyangwa se muri rusange kandi umubi mu bayobozi bakamushyira ahagaragara.
- 8° Gukangurira abaturage kwirinda kuvugira mu matamatama, ari nabyo bituma abenshi muri bo baregesha hagenzi babo amano; ni ngombwa kuvugira mu runame ibitagenda n'umuti wabyo, ari aba bitera cyangwa ababicyemura.

N'abayobozi ni biyumvishe ko babereyeno abaturage, ko ari ngo-  
mbwa kwiyumvisha ko imyanya bafite atari iyo gukoresha nk'uturima  
twabo bwite, birinda kwitiranya inyungu zabo bwite n'inyungu za  
rubanda. Ni muri uru rwego bari bakwiriye gufata ingamba zikuriki-  
ra:

- 1° Kwirinda kugira icyibazo batunganiriza umuturage babanje kureba amaronko bwite bamutezeho.
- 2° Kwirinda gukurikiza uturere cyangwa se izindi nzira zose aribyo bituma haza ikibazo cya munyumvishirize, aha ndavuga cyane mu rwego rw'ubutabera.
- 3° Gukangurirana (gufashanya hagati yabo) kwirinda no kurwanya ruswa yo imunga umutungo w'igihugu.
- 4° Gukangurirana, kwirinda kubwira abaturage ngo "Genda uzagaruke ejo" kandi ufite uburyo wamukemurira ikibazo kikarangira.

•/...

- 5° Kwirinda gukoreshwa na bene imari kubera inyungu ubatezeho cyangwa imishinga mu fatanije, bigatuma bene imari bakoresha abayobozi mu gukandamiza rubanda rugufi. Bagata ukuri bagatora-gura amakosa ariyo bituma abanyarwanda tureshya imbere y'amateko ariko ntitureshye imbere y'uyahagarariye.
- 6° Kwirinda kuba ba ntakuri kutagira ifaranga nubwo ryaguze umwana w'Imana. Nanone nkaba nasaba Leta kwita ku ngingo zikurikira kugira ngo hatazaongera kuboneka ukuyoborwa cyangwa se kuyobore-rwa n'abanyamahanga kuko ngo iya gukanze itaba inturo:
- 1° Kwita ku murimo no kubyaza ibintu biri mugihugu cyacu umusaruro utubutse kuko abazungu burira kubukene maze bagakoresha abayobozi bamwe mu nyungu zabo. (Abazungu)
- 2° Kwirinda gutegekerwa n'abazungu kubera imfashanyo.
- 3° Guhora Leta igenzura urwego rw'ububanyi n'amahanga uko rwifashe ntirushingire gusa ku kwibanira kw'abari muri urwo rwego.
- 4° Kwirinda kugira abazungu Imana y'abanyarwanda ngo twumve ko aribo bagomba kudukemurira ibibazo.
- 5° Guha u Rwanda agaciro imbere y'amahanga turzymvisha ko ari igihugu kigenga, kuko byaragaragayeko ntagaciro rufite kugeza ubwo 1994 abanyamahanga babyerekanye baza gushinga icyo bise "Akarere k'umutekano".

Maze gucukumbura ibyabaye mu Rwanda nahita ntanga umwanzuro ku buryo bukurikira.

- Urebye kure wasanga mu banyarwanda nta kibazo cy'amoko kigeze kibamo, ahubwo byaratewe n'ubuchtara bw'abazungu baje bitwaje iyobokamana bagasanga abanyarwanda basenyera umugozi umwe, bahitamo kubaryamisha bashyiraho amoko; maze abanyarwanda bamanza kubabera ibamba, bibumbira mucyo bise "Inyabutatu isobetse". Nuko abazungu bafata umugambi wo kuyimunga runono.
- Kugirango abanyarwanda twongere tubane neza ni ngombwa kwiyambura icyibazo cy'ubwoko tugafata ubwitwa "Umunyarwanda ukunda igihugu".
- Mbere yo kureba umuntu mo: Ubutwa, Ubututsi, Ubuhutu manza ubunyarwanda, nyuma urebe icyo mwageraho mukubaka u Rwanda.
- Burya ngo ubutiha buranduranya ari nayo mpamvu tutari tugombye kuziza umuntu uko yavutse, uko areshya cyangwa uko areba, kuko

. / ...

"Imana iguha mutaguze kandi muguze yaguhenda" .

- Bikaba ngombwa ko abayobozi biyumvisha ko ari amaso y'abaturage kandi iyo amaso ahumye, ntacyo nyirayo aba acyimariye.
- Ndangije mbifuriza amahoro, ubutabera, amajyambere n'ubusabane muri twe bene "Kanyarwanda".

KURUJYIBWAMI Célestin  
Groupe Scolaire De la Salle  
4<sup>o</sup> M.P/BYUMBA.

\*\*\*\*\*

Abakurambere bacu bari indatana, bari bunze ubumwe babanaga neza. Batizanyaga imfizi, utewe bakamutabara, ushatse kubaka bakamutiza umuganda, uwibarutse bose bakamuha impundu kuko yabaga abyariye u Rwanda. Koko bari inyabutatu isobetse intego yabo ikaba imwe igithe cyose : Gukunda u Rwanda n'abarwo bose no guharananira ko rwajya imbere.

Ese hari uwaba agihakana uwo muco mwiza, ubwo bumwe bwarangaga abo bakurambere, nanyemerere mwibarize niba ahari. Ngaho nansobanurire ukuntu izo ntwari zashoboye gukoma imbere ibitero simusiga by'abanyamahanga bari bagamije kugira u Rwanda ingaruzwamuheto. Ese babishoboye nta bumwe hagati yabo ? Ese bamwe baratabaye abandi barang ari uguhebera urwaje ? Aho kuba izina "Rwanda" rikivuga ntitubikesha ubumwe n'ubutwari bw'abo bakurambere.

Ikindi nanyemerere ko imigenzo myinshi kandi myiza twayirazwe nabo : gutabarana, gukunda igithe, kuba inyangamugayo n'ibindi... Erega kuba baraturaze uyu mugani ngo "Nta mugabo umwe" nta kindi ni uko bari bararangije kubona agaciro k'ubwuzuzanye no kunga ubumwe.

Ikibabaje rero, ni ukubona uwo muco mwiza Abanyarwanda barawuteshutweho cyane cyane muri iyi myaka ishize. Nidusubize amaso inyuma, turebe ukuntu abazungu baturutse iwabo bamwe muribo bagamije inyungu zabo, maze bagahitamo kubiba amacakubiri ashingiye ku moko. Ingoma yabo yageze mu marembera imbuto ya rwa rwango imaze gukura, inkurikizi zarwo ntawe utazizi ni amahano yo muri 59, erega ngo nibwo ubutegetsi bubereye abanyarwanda bugiyeho. Nyamara abategetsi bagiyeho bimirije inyungu zabo imbere maze bagahitamo kubiba amacakubiri ashingiye ku nyungu zabo n'ababo, irari ry'ibantu ribahuma amaso, biyibagiza inshingano y'ibanze yo kunga Abanyarwanda. Uko imyaka itashye niko ayo macakubiri yagendaga akura, agera igithe atagishingira gusa ku moko afata n'uturere abanyarwanda bashusha nk'ababanye mu mahoro kandi urwango rwarasaritse imitima. Amacakubiri yageze aho arenga kamere, maze rwa rwango rubyara ishyano ritagomba kongera kubaho ku isi; itsembabwoko n'itsembarsemba byo mu w'i 1994.

Ayo marorerwa yadutwaye intwari, adutwara abana bari kuzazamura u Rwanda, yadutwaye abakecuru n'abasaza twari dutezeho inama zubaka; yadutwaye abantu b'ingeri zose, bazira ubwoko, uturere, cyangwa ibitekerezo byabo. Agahinda kaganje hose, amarira na n'ubu aracyatemba; ubwishishanye, kutizerana, urwikekwe n'urwango bikomeje gutandukanya abana b'u Rwanda. Nyamara aho ibihe bigeze ubu, ntawakomeza kwihanganira kubaho atariho ahumeka imyuka yuzuye urwango, sinzi niba hari umunyarwanda utarabona ko ubwiyunge ari ngombwa ko ubumwe bw'abanyarwanda bwiutirwa kugira ngo dutegurire u Rwanda rw'ejo ibihe byiza.

#### IMVANO Y'AMACAKUBIRI MU RWANDA

Amacakubiri n'umwiryane hagati y'abana b'u Rwanda byabibwe n'abantu bari bafite inyota y'ubutegetsi, n'irari rirengeje ry'ibantu.

Urwango rwabibwe mbere na mbere na bamwe mu bazungu basanze abanyarwanda babanye neza, maze bagahitamo kubateranya kugira ngo inyungu zabo zitabangamirwa. Igihe bagize ngo buriye indege basubiye iwabo, abategetsi babasimbuye ntibihutira kurandura imbuto y'urwango abo bazungu basize babibye.

Irari ry'ubutegetsi n'ibantu babukomoraho byarabarenze bahitamo kureka iyo mbuto irakura, kuko kuyirandura byari kubavutsa umugati, maze umutungo w'igihugu barabona **bawugira** uwabo, **bawuhaho** uwo bishakiye. Si no kureka gusa iyo mbuto ngo yikuze ubwayo, baranayivomereye. Maze nk'urubyiruko rwabuze amashuri kandi yarubat<sup>swe</sup> bajyaho barwigisha kwanga abandi. Urubyiruko rwabuze akazi aho kurushakira akazi kubaka u Rwanda, barushakira akarusenya. Buririra ku bukene bware buganjje maze umuturage wazonzwe yasezeranywa imari kugira ngo arangize imigambi y'abo ba "rusahuriramunduru" igahe atabaye inyangamugayo ngo yitsinde, **si** ukwivayo agasizora, urwango akarushakira aho rutari. Irari ry'ibantu n'ubutegetsi nibyo byagejeje u Rwanda mu bihe by'amahina turimo.

#### UMUTI NI UWUHE ?

Icyu mbere ni uko abana b'u Rwanda bakunda kujya bicarana hamwe nta n'umwe uhejwe maze bakaganira. Umuti w'ibanze w'ibibazo ni ukubivuga bigashyirwa ahagaragara. Igihe ibibazo bizakomeza gucecekwa bigahera mu mitima y'abanyarwanda tuzaba twubakira ku musenyi.

Abana b'u Rwanda nibajye inama kandi ngo "abagiye inama Imana irabasanga". Nibatahure ubwabo amakosa yaranzwe i Rwanda n'icyayateye. Bityo, ubwo ibuye ryagaragaye riba ritacyishe isuka bazafate imigambi ikwiye intvari, ikwiye u Rwanda rw'ubu maze bahuze imbaraga iryo buye barihigikire ku ruhande, ishyano ryabaye i Rwanda ritazongera kutugwirira.

Icyo muntu atakwirengagiza kandi ni uko kujya inama bikenewe i Rwanda ari ukuzira amacenga no kwiyererutsa maze abanyarwanda bose bakarangwa n'urya mugambi, n'irya ntego twarazwe n'abakurambere bacu yo gukunda u Rwanda n'abarwo bose ugaharanira iteka icyaruteza imbere. Ntihazagire umunyarwanda uyu n'umwe uzongera kwimiriza imbere inyungu ze kandi zibangamiye iz'urwamwibarutse kandi rumutezeho byinshi, kuko uwo ntaho azaba atanaye n'aboretse u Rwanda.

Abakurambere bacu barihoreye bati : "Umugisha w'umugabo ni amaboko ye". Barongera bati : "Umugisha uteze ku wundi aba ari ntawo". Abanyarwanda ntibazongere kurangamira amahanga. Nibo bafite uruhare runini mu gukemura ibibazo byabo, nibafatane urunana, bafate iya mbere bahagurukire kubaka urwababyaye.

Hejuru y'ibibazo by'amacakubiri hakubitiyeho iby'ubukungu, inzara, ubujiji, imibereho mibi, umuco ukendeye. Ikibabaje rero ni uko iyo inzara iteye itarobanura ubwoko ubu n'ubu cyangwa akarere aka n'aka; twese iratuyogoza. Rwose umunyarwanda utarabona ko ubwiyunge n'ubumwe ari ngombwa kugira ngo twubake urwatubyaye, umunyarwanda utarabona ko nta majyambere ashoboka mu mwiryane, sinzi niba iryo zina arikwiye.

#### URUHARE RW'UBUTABERA MU KUNGA NO KUGARURA UBWUMVIKANE MU BANYARWANDA

Ubutabera ni ryo buye fatizo n'ishingiro ry'ubwiyunge n'ubumwe bw'abanyarwanda. Si ubutabera bubonetse bwose nka bwa bundi twabonye mu myaka ishize bwaranzwe no kubogama n'icyenewabo. Ni ubutabera butabera.

Nibwo bwonyine buzatuvana mu kaga **turimo**.

Nibushinge imizi mu Rwanda kuko abo kurenganura atari bakeya. Nibwihiutire gutabara abasizwe iheruheru n'amarorerwa yo mu w'1994. Nk'uriya mubyeyi wategaga urugori akizihirwa none akaba yarahekuwe, akaba atakigira umuvomera amazi, arateza uwega yari yarabyariye urwamubyaye ubutabera nibumutabare. Nk'uriya mwana wagizwe imfubyi utakigira uwo aririra boshye uwavutse ku git, ubutabera nave nibumutabare bwangu. Nibubere igihozo abo bose bazize urwango. Buri munyarwanda kandi nagaragaze umutima utabera yifatanya n'abo bavandimwe bagiriwe ubugome butigeze kubaho ku isi maze abafashe guheka uwo musaraba bakorewe bazira akarengane.

Uriya nave wavukanye imbuto y'urukundo akarwiku zamo uko yigiyihe hejuru, akagimbuka ntaweakoze mu jisho, none aho anyuze hose bakaba bamuha akamo batim'nguwo uwahekuye u Rwanda", akaba azira amakosa atakoze, ubutabera nibumutabare. Ingeroz ni nyinshi kandi z'ingeri zose zigara gaza ko ubutabera bwihutirwa mu Rwanda.

Ubutabera dukeneye i Rwanda, si ubw'ubwoko cyangwa ubw'akarere, ni uburenganura bose butavanguye kuko amategeko abereyeho abantu bose. Nibugendere kure ruswa n'icyenewabo. Igihe iyo mico mibi izongera kuganza, igihe hari umuntu uzakora icyaha akiyemera ati "uwankoraho se ni nde?" nta kabuza ya mahano yoretse u Rwanda azaba atwugarije.

Wa muco wo kudahana ntuzongere kurangwa i Rwanda. Nudahagurukirwa kurandurwa hose, uzongera umunge inkiko uzateshe agaciro amategeko y'u Rwanda uyahindure byenda gusetsa zibabaje, maze ubwo nyir' icyaha azaba akidegembya, uwakorewe ikosa azabe ashakisha uko yihanira. Ikosa nk'iryo ntirizongere kubaho, ubucamanza bwonyine nibwo bufite uburenganzira bwo guhana. Ukoze icyaha agihanirwe kandi ntihazagire uhanirwa ikosa atakoze. Ubucamanza rero kugira ngo bugere kuri iyo nshingano, nibuhabwe ubwigenge bwuzuye bukorere mu bwisanzure. Ntibuzongere kuvugirwamo ngo bube igikoresho cy'abagamije inyungu zabo.

Abacamanza nibarangwe n'ukuri, ubutabera no kuba inyangamugayo. Babereyeho kunga si ugutanya; babereyeho bose, si bene wabo gusa. Ngiyo intego ibakwiye batagomba kuzatzukaho. Bityo ibihe bizaza bizarre ubutwari bwabo, bizabaririmbe, bizabashimire kuba barunze abanyarwanda, baromoye ibikomere ntawe bakomerekeje maze bakatuvana mu bihe by'amage.

#### URUHARE RW'UMUNYARWANDA MU GUHARANIRA UBUTABERA

Ubutabera si ubw'inkiko n'abacamanza gusa. Burasesera bugahera mu mutima wa buri wese, bugasingira urugo ndetse n'izindi nzego zishinzwe abaturage. Buri munyarwanda niyitoze kubaha undi n'ibye byose, niyubahe ubuzima bwa mugenzi we kuko ari ikiremwa cy'Imana. Buri wese nagerageze guha undi ikimukwiriye yirinde kumurenganya. Kuvugisha ukuri ni inkingi y'ubutabera, buri munyarwanda nabiharanire kabone n'aho yakuzira kuko kuba amahano yarahingutse i Rwanda ari uko twabuze ukuri mu gihugu n'abaguharanira bashishikaye.

Ese hari umunyarwanda usumbya undi ubunyarwanda ?  
Ndahamya ko ari ntawe. N'ugitekereza atyo niyisubireho kuko ntacyo yazamarira u Rwanda. Uruhare n'uburenganzira ku byiza n'umutungo w'urwatubyaye ni ibya buri munyarwanda kandi ku buryo bumwe.

Nyuma y'ibyo twiboneye twese ntihazagire uwongera kuvutswa kwiga kandi abikwiye, abure amazi meza, abure umuhanda, narwara abure aho avurirwa ngo aha arazira ubwoko, akarere cyangwa se ibitekerezo bye. Buri munyarwanda namenye uburenganzira bwe kandi Leta iharanire ko atabuvutswa. Bitabaye ibyo kwaba ari ugukomeza kuvomerera ya mbuto y'amacakubiri, iryo kosa ntirizasubire i Rwanda.

#### UBUTEGETSI BWIZA NI INKINGI Y'UBUMWE N'UBWUMVIKANE MU BANYARWANDA

Ubutegetsi bubereyeho abaturage bose nta vangura ribayeho; kumva nabi inshingano yabwo cyangwa se kuyirengagiza byatumye mu myaka ishize abategetsi barimirije imbere inyungu zabo, biyibagiza ko babereyeho abaturage bose, baha icyuhozabo, amacakubiri n'urwango maze igihugu bakigusha mu rwobo kizavamo twiyushye akuya.

Ubutegetsi burebera abaturage igikwiye. Abanyarwanda dukaneye byinshi ariko icy'ingenzi uwavuga ko ari ubumwe bwacu ntiyaba yibeshye cyangwa abeshye. Ntawabura rero kugira icyizere ko ubwiyunge n'ubumwe bw'abanyarwanda bizagerwaho mu gihe tuzaba dutwawe n'abimirije imbere iyo ntego, ndavuga Guverinoma y'Ubumwe bw'Abanyarwanda". Nikomeze iharanire icyo cyizere cya buri munyarwanda mu ngamba zayo, ariko cyane cyane mu bikorwa byayo kuko "kora ndebe iruta vuga numve". Ikindi kandi nishyigikirwe na buri munyarwanda muri iyo migambi myiza, itizwe ingufu na buri wese. Utazashyigikira umuntu ugamiye kunga, ugamiye ubumwe bwacu, bazamubaze icyo ashaka i Rwanda. Aho ibihe bigeze ubungubu u Rwanda nirutwarwe n'inyangamugayo. Biteye agahinda kuzabona umutegetsi runaka we shusho igaragara y'ubumwe bw'abanyarwanda, atsikira akagwa mu cyaha maze agatanya abo u Rwanda rwamuragije.

Wa mutegetsi ugamiye inyungu ze bwite n'iza bene wabo, ucyitiranya umutungo w'igihugu n'uwe, uwo ntagikwiye u Rwanda. Ubuhangwa, ubushishozi n'ubwitange bitavangura ngibyo ibigomba kwitabwaho mu guhitamo abayobozi b'ingeri zose, kuva kuri Nyumbakumi kugera kuri Perezida wa Repubulika, hato icyiswe "AKAZU" kitazongera guhinguka i Rwanda, kuko ibyo kakuruye n'ukivuka arabizi.

#### IBITEKEREZO BYUBAKA NIBIRANGE BURI MUNYARWANDA

Dore ikindi kinyagihumbi kiregereeje, kizasange buri munyarwanda, ari umuturage usanzwe, ari n'umutegetsi, yifitemo ibitekerezo bihuje n'igihe tugezemo; ibitekerezo n'imigambi byubaka u Rwanda. Ntikizasange hari umunyarwanda n'umwe ukiri nka ya njiji y'intabwirwa, si no kubwirwa, yabonesheje yombi amahano yabereye i Rwanda ikaba igifite ibitekerezo bishingiye ku moko n'uturere. Ntikizasange hakiri ucyiratana ubwoko, akarere cyangwa ubuvuke ngo asuzugure abandi kuko iyo ngeso itubaka ahubwo isenza. Icyo kinyagihumbi kizasange abanyarwanda twese twiratana ubumwe bwacu, imigambi myiza; kizasange twiratana gukunda urwatubyaye n'abarwo; kizasange twiratana ingufu n'amaboko u Rwanda rudutezeho.

Buri munyarwanda nakere gutaka urwamubyaye. Narutake ubumwe, narutake amahoro n'ituze byo shingiro y'amajyambere twese turangamiye. Bityo ya sura mbi u Rwanda rufite imbere y'amahanga tuyihindure nziza tubikesha ubushake n'u-kwihiata bya buri wese.

#### UBUREZI NIBUHABWE UMWANYA UGARAGARA

Nibyo koko burya ngo "Uburerere buruta ubuvuke". Rwanda yibarutse benshi ariko rero, nibahabwe uburerere bukwiye.

Kurerwa kuri iki gihe, ni ingenzi ntibinareba abana gusa n'urubyiruko, bireba n'abakuze ndetse n'abasaza kuko nabo abenshi muri bo barenzwe n'urwango rutagira shinge.

Ari mu ngo no mu mashuri, ku mirenge no mu manama, mu biganiro mbwirwaruhame no mu mahugurwa, ku maradiyo no mu binyamakuru, mu masengerero, intego y'ibanze nibe imwe iteka, kugorora imitima yagoromanze no kurerera u Rwanda urubyiruko ruyikunda rugakunda n'abayo bose. Gutuzwa mu midugudu ni bibe ishingiro ry'uko abanyarwanda bakongera bagatozwa wa muco wo guturana mu mahoro no gusabana. Amashyirahamwe nayo haba ayo mu migi cyangwa ayo mu byaro, nabumbe abanyarwanda b'amoko yose n'uturere twose, abigishe gukorera hamwe abereke agaciro k'ubwuzuzanye mu bantu.

Uburerere bwiza umuntu abukomora mbere na mbere ku babyeyi. Ababyeyi b'u Rwanda cyane cyane abategarugori nibatoze abana babo urukundo ruzira imipaka y'amoko, y'uturere yewe ndetse n'iwigihugu. Urwo rukundo kandi, nibaharanire kurwigiramo kuko ntawe utanga icyo adafite.

Abayobozi b'inzego zose, abarezi n'abanyamadini ndetse n'abandi bafite umutima ukunda, nibegere uriya munyarwanda udashobora kwihanganira uwo badahuje ubwoko, akarere cyangwa ibitekerezo, akamurwanya. Nibamwegere bamwumvishe ko ivangura rye ntaho rishingiye, bamwumvishe icyiza cyo kuba twararemwe dutandukanye byo biduha ubwuzuzanye nyakuri. Nibegere uriya munyarwanda ugifata ikosa ry'umuntu cyangwa agatsiko aka n'aka akarigereka ku bwoko, akarigereka ku karere. Bene uwo, ibitekerezo bya ba "rusahuriramunduru" biracyamuhumye amaso: abona umuntu ati "ubwo avuka aha naha, ateye atya" ubwo agatangira akamwibazaho byinshi akamutwerera umutima atagira; burya koko ngo "ukwanga akumva uko yishakiye". Nibamwumvishe nta wahisemo kuvukira mu karere cyangwa ubwoko ubu n'ubu ko buri muntu ariwe soko y'ibyiza ashobora gukora bamwemeze ko buri muntu ariwe soko y'ibyiza ashobora gukora abifashijwemo n'Iyamuhanze. Nibamwereke rero inzira y'urukundo ruzira kurobanura maze nabananira, bazamubaze icyo ashaka muri uru Rwanda kandi azakurikiranirwe hafi ejo hatazagira uwo yanduza iyo ndwara arwaye.

Abanyarwanda bose bafite ibitekerezo byubaka, bafite umutima ukunda nibashyira hamwe bakegera bene abo bafite ibitekerezo bitigeze kugira agaciro, ndumva amaherezo bazigarura bakajya mu murongo mwiza. Nta kabuza rwa rwikekwe no gutinyana biri hagati y'abana b'u Rwanda bizagenda nka nyomberi, maze icyizere cyo shingiro ry'ubwumvikane kizahabwe intebbe hose.

**gi** Amahugurwa ku byerekeye uburenganzira bw'ikiremwamuntu nashyikirwe ku buryo bwose ari mu baturage b'imigi, ndetse n'ab'ibyaro nababere isoko y'inyigisho zihindura imitima. Benshi ntibakimanya agaciro k'ubuzima bw'undi, nibabitozwe. Igitangaje rero, ni uko bene abo bazi neza agaciro k'ubuzima bwabo. Rya tegeko rishyinguwe mu mutima wa buri wese rivuga ngo "icyo utifuza kugirirwa ntukakigirire abandi" rirabe irya buri wese, rimurikire ibikorwa bye byose. Maze kubaha umuntu ukubaha n'ibye ukamwubahira kuko yaremwe nkawe, ukirinda kubangamira uburenganzira bwe, bibe umugenzo mwiza uranga buri munyarwanda.

Wa muco mwiza wo kudahohoterana, koroherana no kudahora nucengezwe hose no muri bose. Urabe indirimbo y'amajwi menshi, mu bihe y'amage ndetse n'ibyiza tuyiririmba dufatane urunana itwibutse ko abanyarwanda twese turi umwe, ko n'ibibazo byose byavuka bishobora kubonerwa umuti mu nzira nziza, inogeye buri wese nta ntugunda zihabaye.

### IMBABAZI NIYO NTAMBWE YA MBERE IGANA KU BWIYUNGE

Kugira ngo ubwiyunge n'ubwumvikane bigerwehe mu Rwanda, nta wahakana ko kubabarirana ari ngombwa mbere ya byose, bitabaye ibyo, ubwo bwiyunge bwaba ari inzozi z'amanywa y'ihangu. Kubabarirana ni ngombwa. Intambwe y'ibanze kandi ntawe utayizi ni uko uwakosheje uwo ari we wese, yakwicuza abikuye ku mutima, maze agasaba imbabazi nta buryarya kuko ntawe uhabwa imbabazi atabanje kwemera icyaha. Nazirikane mbere na mbere ko nta butwari bwaba busumba kwemera intego nke za muntu, ukemera ikosa wakoze no kurihanirwa nta mwijujuto. Maze ijambo inkiko zizamubwira, urubanza ruzacibwa rutabogamye azabibonemo ijambo ry'umubyeyi wa tweze wifuza ko abe bose basubirana bakabana ariwe RWANDA.

Koko kubabarirana birashoboka nihaba ukwicuza guhamye koko, gusaba imbabazi bizira urwiyererutso n'uburyarya, hakaba gutangana imbabazi umutima wihanganira amakosa y'undi, umutima utagamije **kubika inzika**, utagamije kurenzaho.

Igihe cyose nihimirizwe imbere ubwiyunge bw'abanyarwanda kuko ariyo mizero yonyine u Rwanda rusigaranye. Leta nishakishe uburyo hashyirwaho icyumweru ngarukamwaka kigaharirwa kuzirikana "Ubwiyunge bw'Abanyarwanda".

### URUHARE RW'IMPUGUKE MU KUNGA NO KUMVIKANISHA ABANYARWANDA

Hari igitera agahinda n'isoni buri muntu wese ushyira mu gaciro. Ni ukubona muntu witwa immpuguke, witwa intiti duhanze amaso agira ibitekerezo bigufiya bigamije gusenya, maze aho kubera rubanda urugero rwiza mu nzira y'ubumwe n'amahoro akabayobya akabagusha, akabigisha gusubiranamo. **niba hakiri** impuguke nk'ijo mu Rwanda, nihumuke ibihe birageze. Ese ubundi uwo akwiri iryo zina ? aa ! Simbizi !

Abanyabwenge n'impuguke zikwiye iryo zina, nibahaguruke bajye inama barebe icyazahura u Rwanda. Nibashakashake **uburyo** nyabwo bwadufasha kuzahura ubukungu, tukava mu bujiji. Abize amateka nabo nibakorane, baduhugure batumenyeshe amateka nyakuri y'u Rwanda. Nta kabuza ahatsé byinshi bigaragaza ko abakurambere bacu bashyiraga hamwe bagafashanya, ko bari bunze ubumwe. Naho amateka agamije gutanya abanyarwanda, ni ayo gukosorwa.

### URUHARE RW'URUBYIRUKO MU KUMVIKANISHA ABANYARWANDA

Urubyiruko rugomba kumva ko arizo mbaraga igihugu gifite, maze rugatanga umuganda ufatika mu nzira y'ubwiyunge n'ubumwe by'abanyarwanda. Umusore cyangwa inkumi bakifitemo ibitekerezo bishaje bishingiye ku macakubiri no ku mwiryane nibabyivanemo, nibakanguke kuko bagisinziriye. Maze urubyiruko rwose rukere kunga ubumwe. Leta y'ubumwe bw'Abanyarwanda ntihwema gukora uko ishoboye ngo urubyiruko rusabane kuko yarangije kubona agaciro k'intagereranwa k'urwo Rwanda rw'ejo. Ari mu mashuri, mu mahugurwa, mu mikino, mu marushanwa y'ingeri zose ndetse n'ahandi, abasore n'inkumi nibahure kenshi bashyikirane batitaye ku bibatandukanya, baganire nta kwishishanya, maze barebe amakosa yaranzwe i Rwanda n'icyayateye bayashakire umuti ubwabo. Nibazirikane ko ibihe biri imbere biri mu maboko yabo, ko niba nta bumwe bubaranga, nta kabuza u Rwanda rwababyaye ruzongera rukagwa mu kangaratete.

Abana b'u Rwanda nibabyirukane rero ishyaka ryiza ryo gukunda urwababyaye no kwitangira abandi. Muri bo ntihazagire uwongera kugwa mu mutego w'abagamije inyungu zabo ngo maze bamushore mu bikorwa bisenya igihugu.

Bararangwe n'imihigo ibereye intwari twifuza i Rwanda. Barabe ba micomyiza, ibitekerezo byubaka bibabere ikirangantego, bityo Rwanda umubyeyi wa twese ijye ibareba bamwenyure nayo imwenyure, bayikunde nayo ibakunde, bayizihire izabe yibikiye intwari zizayitabara. Buri mwana afite uburenganzira bwo kurerwa neza, Leta niharanire ko atabuvutswa. Ari abagizwe imfubyi n'amahano yabaye i Rwanda, ari ba "mayibobo" birirwa bazerera mu mihanda, niharanire ko bakurana umutima mwiza, iharanire ko bagira ubuzima bwiza kuko nabo ari ingufu z'igihugu, n'u Rwanda rw'ejo.

#### URUHARE RW'AMADINI

Amadini afite uruhare rugaragara mu kunga no kumvikanisha abanyarwanda kuko abumbye abantu b'ingeri zose, b'amoko yose, ndetse n'uturere twose. Nabe isangano ry'ubumwe bw'abanyarwanda. Si umukristo, si umukristu, si umuyehova, si umuyisilamu n'abandi bose, ikibahuje ni kimwe cy'ingenzi ni "Urukundo rukunda umuntu kuko yaremwe mu ishusho ry''Imana. Buri wese nabe intumwa y'urwo rukundo, aharanire kurucengeza mu bandi.

Abayobozi b'amadini n'abihayimana bahawe byinshi bazabazwa byinshi. Nibabe abungeri beza, bakenura urwuri, bahangayikishwe n'ubushyo baragijwe. Nibamenye ko baragijwe abantu batandukanye ariko rero bose barabarangamiye. Nibabigisha urukundo rukunda bose, nabo ubwabo rukabaranga, nibabigisha ubumwe nyabwo bakabigisha kubabarirana maze bikabaranga igihe cyose, haba mu bihe byiza cyangwa se by'amakuba, nta kabuza baza~~umva~~ kandi bazakurikiza urugero rwiza babaha, maze amadini azaba abaye ihuriro ry'abunze ubumwe babanye mu mahoro .

#### URUHARE RW'ABANYAMAKURU MU KUNGA NO KUMVIKANISHA ABANYARWANDA

Abanyamakuru nabo ntibahejwe mu gushakira amahoro n'ubwumvikane abanyarwanda. Ntibakaniganwe ijambo. Ariko mbere na mbere, nibasubize amaso inyuma, bayasubize mu binyamakuru byinshi byaranze no gutanya abanyarwanda, byaranze byagize uruhare mu kubiba amacakubiri, uwo azaba agikeneye guhugurwa, azarekere uwo mwuga abawushoboye; ibyo bireba kandi n'abanyamakuru bavugira kuri RADIYO. Abanyamakuru bose nibashake intego n'imigambi ihamye bizabavana mu kimwaro basizwemo n'abakoraga umwuga nk'ubo. Inyandiko zabo zirarangwe n'ukuri kutabogama, ibitekerezo byubaka u Rwanda nibibarange. Leta rero irakomeze ibashyigikire cyane, uburenganzira bwabo ntibuzapfukiranwe ige cyose bazaharanira ubumwe n'ubwumvikane mu banyarwanda. Uzagaragaraho indi migambi ahagarikwe bwangu amazi atararenga inkombe. RADIYO n'ibinyamakuru byo nzira yo kuwijuka, bikaba n'isangano ry'ubumwe n'amahoro ndetse n'urusobe turwana tugana amajyambere.

#### UMUTEKANO NUBUMBATIRWE NA BURI WESE

Ikibazo cy'umutekano ntawe kidakwiye guhangayikisha kireba buri munyarwanda wese. Buri munyarwanda akaba agomba guhaguruka akawubumbatira, akawurinda guhungabana ku rwego rwe. Bikareba cyane cyane urwego rwa gisirikari rufite inshingano yarwo y'ibanze yo kurinda buri munyarwanda.

Ariko rero mbere na mbere, uwakoze icyaha yitwaje intwaro, na n'ubu akaba akiyifite mu biganza agambiriye kubuza abandi amahwemo ige kirageze ngo ayirambyike hasi; apfukame imbere y'urwamubyaye asabe imbabazi.

Natagira ubwo butwari, azarekere abandi bana b'u Rwanda amahoro, abareke biyunge kuko babyifusa bubake urwababyaye. Erega uwo nguwo aramenye ko nanangira umutima azapfana agahinda akazibuka gusaba imbabazi n'uwamubyaye atazimuha.

Intwaro yose igamije ikindi kitari ukurengera ubusugire bw'urwatubyaye nirambikwe hasi. Intwaro yose irengera bamwe igatsikiza abandi nirambikwe hasi. Intwaro yose igamije gutanya abana b'u Rwanda idaharnira ubumwe bwabo nirambikwe. Ya ntwaro ihohotera uburenganzira bw'ikiremwamuntu nirambikwe hasi imwe yivugana inzirakarengane igahitana abakecuru n'abasaza igahitana ibibondo, ntizongere kurangwa i Rwanda?. Hazasigare gusa intwaro zo kurengera urwatubyaye igehe tuzaba dutewe n'udashaka ubumwe bw'abanyarwanda cyangwa se ashaka kutugira **ingaruzwamuheto**.

#### UMWANZURO

Koko igehe kirageze aho buri wese abona ko ubwiyunge n'ubumwe mu bana b'u Rwanda ari ngombwa kugira ngo twubake urwatubyaye. Iyo ni inshingano ya buri munyarwanda akaba agomba kuyiharanira iteka mu bushake buhoraho. Ubutegetsi kuri buri rwego nibuharanire kuduha inzira nyayo izatugeza kuri ubwo bwiyunge bubereyeho kuba ijisho rya rubanda. Guverinoma y'ubumwe bw'abanyarwanda nikomeze iduhuze, uruhare runini ni urwayo. Ubutabera nabwo bubereyeho kunga, nibuhabwe ibikoresho byabufasha kurangiza neza iyo nshingano ku buryo budatinze.

Maze rero igehe nta munyarwanda uzaba akirangwa na bya bitekerezo bishaje bishingiye ku moko no ku turere, igehe twese tuzakenyera tugakera kubaka u Rwanda, buri wese akubaha undi n'ibye. Igihe kudahohoterana koroherana no **kubabarirana** bizaba byarabye umuco uturanga, igehe umuntu azashimagiza undi amushimira ubuhanga n'ubushishozi, ubwitange n'ubutwari atagendeye ku **bwoko** cyangwa akarere, "Demokarasi" niho izaba ishobotse i 'Rwanda , izakemura ibibazo byinshi. Imbanzamihigo z'intarobanura, impuzampembe zimirije imbere kubaho neza kwa buri munyarwanda zizahabwe u Rwanda uko imyaka izataha, abanyarwanda bazubake urwababyaye uko bangana kose mu bwuzuzanye, bafatane urunana maze amajyambere twifuza azatahe mu Rwigasabo, natwe tuzatangire dukore indege.

Bikorewe i Nkumba, kuwa 23/7/1997

RUSINE Alexis

Seminari nto ya Mutagatifu Yohani  
ya Nkumba  
B.P. 45 RUHENERI

10

SEMINARI NTO YA MUTAGATIFU LEHU  
KABGAYI

B.P. 66 GITARAMA.

ICYAKORWA KUGIRA NGO ABANYARWANDA BONGERE BABANE NEZA.

BYATEGUWE NA :

HABIMANA YOHANI DAMASENI.

UMWAKA WA GATANDATU W'INDIMI.

Kanama, 1997.

ICYAKORWA KUDIRANGO ABANYARWANDA BONGERE BBBBBNE NEZA:

Kuvalu Rwanda robona ubwigenge kugeza magingo aya, imyaka ibaye mirongo itatu n'itanu(35). Kenshi na kenshi, umuntu ufite iyo myaka, aba amaze kuba igikwerere, ari umugabo uharye, haham mu bikorwa cyangwa mu myitwarire ye. Ikibabaje ni uko u Rwanda atari ko rumeze, Kuko hashize imyaka 3 ruhonotse amahano yaruhogoje, akaruhutira abana bazira icyiswe ubwoko, bazira ibitekerero byabo, akarere ndetse n'indeshyo yabo. Ibikomere biracyavirirana mu mitima y! Abanyarwanda: hari ikibazo cy'ubujiji n'ubukene bukenya bene Kanyarwanda. Hari uruweke, amacakubiri inzika n'inzigio bituma Abanyarwanda bakora basanza aho gusenyera umugozi umwe. Dufite imfubyi, abapfakazi, abacitse ku icumu, abahahemutse n'abahungutse bakeneye inkunga yacu by'umwiheriko. None se kugirango ibyo bibazo byose tubikemure, Abanyarwanda bongere babane neza, bavuze impundu zizira impembyi, hakorwa iki? ubutegetsi bwafata ngamba ki? Uruhare rw'itangazamakuru nyarwanda rwaba uruhe? Ubucamanza se bwo bwakora iki? Ese umuturage, cyane cyane urubyiruko, abatagarugori n'abanyamadini batanga musanzu ki? Mu rwego rw'uburezi n'ubukungu se ho hakorwa iki? Ibyo nibyo tugiye kugeniraho. Afrika twabanza gusubiza amaso inyuma, tukareba ibyeranze imihenire y'abanyarwanda, icyateye amacakubiri, hanyuma tukabona ingemba zafatwa mu nzego zitandukanye.

AMATEKA y'u Rwanda aduhishurira ko kera abanyarwanda daciranaga begesukirana. Berashyingiranga, bakanywana, bagaterana ingaho mu bitugu nk'abavandimwe. Iyo bejyaga mu ntambere y'ihibero, bahagurukiraga rimwe bakarwanya umwanzi; cyaba ari icyago nk'inzara icyorezo se, bagashakira hemwe uburyo bwo kugitsinda no kugihashya. Mu byebahuzaga twavuga cyane cyane idini gakondo, Imana imwe, umuso umwe n'ururimi rumwe. Bakoraga imirimo itandukanye, ikabafasha guahirana, kuzuzanya no kwikaza mubyo bakeneye. Ababinzi bitwage apahutu aboruzi bekitwa abatutsi nehn ababumbage bekitwa abatwa. Bari bafite ubutegetsi ouhamye, hejuru hakabo umwami, umugabekazi n'abiru, hagataho umutware w'intebi, akungirizwa n'abatware b'ingabo, b'umukenke n'abutake. Hakurikiragaho abatware b'umurenge, nyuma hakaba abatware b'dmuryango. Ibi biratwereka ko bari bashyize hamwe, bafite ubutegetsi ouknmeye kandi bwita ku bibazo byabo. Aha nakongeraho ko abo bategetsi bavaga mu baturage bose, nta kuronda icyiswe ubwoko cyangwa akarere.

Nk'uko amateka akomeza kudusobanurira, abazungu bigabanyije Afurika ntibibagiwe u Rwanda. Nibwo rero mu ntangiriro y'iki c'kinyejana Abadage batengiye kugera mu Rwanda, batangazwa twose n'uburyo ubutegetsi bware bumeze. Ushaka kuramba ku ngoma ngo atatanyi abo ategeka. Niko byagemeze, Ababirigi baragijwe u Rwanda nyuma y'intambara ya mberere y'isi yose maze bakundwakese bamwe mu batutsi bari ku butegetsi, birukana abandi mu bahutu bari baburimo. Ntibiyacwriye aho babategetse gukoresha Abanyarwanda imirimo y'agahato. Uwo "SHIKU" n!"IKIBOKO"birababona, ababisho boye bahungira i BUGANDE, abandi bemera akaje. Hagati aho abazungu bakomeje kwemeza ko mu Rwanda hari ubwoko bugomba gutegeka, n'abandi bagomba gutegekwae.

Nyuma muri Afurika hose haje inkubiri y'ubwigenge maze bagashakabuhake babibonye, bashaka uburyo badusiga mu mazi abira. Nibwo bagize ibikoresho bamwe mu banyarwanda, babumvisha ko bakandarijwe kandi ko bagomba kwihimura. Muri icyo gihe bamwe mu bera b'u Rwanda baratwikerwa, bicwa na bene wabo, ababishoboye barahunga. Ubutegetsi bwakurikiyeho uko bwasimburanye, ntacyo bwakoze ngo bushake uko bwagarura, kandi ngo bubumbatire umubano mwiza mu Banyarwanda, anubwo

bwakomeje guhembera umwiryané, ukwiku'bira, uburyamirane n'ivanguza Abategetsi ntacyo bakoze ngo bahurize hémwe abaturage, bicare bashake umuti w'ibibazo byabo. Bakomeje gushimangira inyigisho z'abakoroni, baheza abana b'u Rwanda ishyanga, bekomeza kubiba imbuto y'amacakubiri ari nayo yabaye intandaró y'itsembarwoko n'itsembarwoko byashohojwe muw'1994.

Nyuma nibwo abanyarwanda benshi bahunze intambara, abandi bahunga ibibi bakoze, bataretse no gushuka bagenzi babo. Icyo twakwi-shimira ni uko abenshi muri bo babashije kugaruka mu rwababyaye, mu bandi banyarwanda. Ubutegetsi buzabigiramo uruhare runini kuko ari bwo bagomba kugena gahunda zo kubereka umurongo igihugu cyacu kigenderaho, bagatanga umusanzu wabo mu kuruteza imbere bafatanije n'abandi.

Nk'uko bigeragara nta gushidikanyà ko UBUTEGETSI uko bwa-giye busimbura cyane cyane ubwa Republikà bwagiye bukora nabi; giye bwirengagiza ibibazo birebana n'imibanire y'abantu. Ibi bikaba ahanini ari byo byabaye impumvu y'ibenze yo gutanya abanyarwanda. Kubera ibyo rero, Ubutegetsi bugomba guhindura imikorere kugira ngo abantu bongere babane neza.

Muri urwo rwego, abategetsi bagomba kwereka abantu no kubumvisha ko ari bo mutungo w'ibenze igihugu gifite. Bityo, buri wese agahapwa inshingano yo kuwuburbatira, Ibyo byafasha abantu kutazongere kwiyumvisha ko kugirango babone amahoro bagomba kwikiza bagenzi babo, ko chubwo kwishyira hamwe ari byo byatumu tugira amahoro arambye.

Bagomba kandi na none, kugira umurongo wa Politiki uhameye kandi uzwi, bakawusobanurira abaturage kugirango bawumenye neza, boye kupa aka ba babigi babiri bayobya imbwa uburari. Twese tugatahiriza umugozi umwe ntibubake ngo abandi basenye.

Bagomba kwimakaza umuco wa Demokarasi nyayo, bakayisobanurira abaturage ku buryo nyabwo kandi bwumvikana, kugirango batazo-ngerera kumva ko Demokarasi ari ugukora icyo umuntu yishakiye. Nk'oko nabo bakamenya ko Demokarasi ari ubutegetsi bw'abaturage, butangwa n'abaturage kandi bukorera abaturage. Bityo bagomba kwirinda Poilitiki ya "mpatsibihugu" y'labezungu akensi ituma bareka gukorera igihugu, bagkorera "UMUKORONI"uhora ashaka isyatanya abantu ngo abategeke. Ni ngomba kandi ko baca burundi umuco wo gushura umutungo wa rubanda kuko nayo ari imwe mu mpamvu ziteza amacakubiri, buri wese ashaka gukoresha ibya rubanda uko yishakiye.

Kugirango bishoboke abategetsi bagomba kuva mu biro, bekagera abaturage, bagashyikirana, bakungurana inama. Banabaha amebwiriza bakatiberekwa ku ngero zigaregara, Nk'ubu turimo twigisha abantu kubana neza, ntidusange mu nzego zose zo hejuru baryana kuko "Umwera uturutse ibukuru bucya wakwiriye hose" kandi ngo "Abatutira batongene batura ukubiri".

Ikindi cyadufasha kongera kubana neza ni uko abatugage bahabwa urubuga rwo gutenga ibitekerezo byabo. Abitwa intumwa za rubanda babegere bumve ibibazo byabo bagerageze kubishakira umuti boye kwibera mu biro; kuko ditabaye bityo nibwo abantu bamwe babona ko bahejwe bakaba bakwivumbagatanya maze ba rusahurira mu nduru bakaba babyuriraho bakabiba amacakubiri.

Leta igomba gushakira abaturage umutekano, wo shingiro ry'amahoro, ubusebana n'amajyambere. Abaturage bagasobanurirwa inshingano zabo, mu kwibungahungira umutekano, birinde guhishira cyangwa kuba ibyitsi by'abagizi ba nabi

Bagomba kandi guhugura no gutoza ikinyabupfura abashinzwe umutekano bagatozwa kugendera ku mategeko, batitwaje umurimo wabo ngo bagire uwo bahohotera.

Ubutegetsi bugomba kandi guca burubdu, no kwamagenira kure akarengane ari ari ko kose, aho katuruke hose, n'uwo kagirirwa wese kuku zhanini ari ko gatera ubuhunzi, nabwo bukabyara amakimbirane y'urudaca. Ibyo byagerwaho ari uko hashyizweho umutekano uhagije mu gihugu, kandi bagashishikariza impunzi gutaha iwabo. Hagombye kandi kubahirizwa uburenganzira bw'ikiremwamuntu, ntihagire abantu bafatwa bonyameswa cyangwa se bucakera kandi bari mu gihugu cyabo. Abantu boso bakwiye kureshye imbere y'amategeko kandi akabarengera.

Ivangura iyo riva rikagera, ryaba iry'amoko, uturere, ibitsina, cyangwa amadini rigomba gucibwa kuko rituma haboneka uruhande rukandemizwa n'urutoneshwa, maze hakavuka inkiko 2 zihanganye inzangano n'amashyari bikavuka, inzika n'inzigzo zikazenguruwa uruziga rw'ubumwe bw'abanyarwanda. Ikimenyane ni ngombwa ko gicibwa burundi, umuntu agahabwa umurimo kubera ubushobozi bwe hadakurikijwe isura, emasano, afitanye n'utanga akazi, cyangwa se bitugukwaha yaba yatanze. Leta kandi igomba gutegura neza no kwihiutisha ituzwa ry'abantu mu midugidu kuko nabyo byefasha abantu kumva ko ari bamwe maze bagaser bana; ariko na none hakwirindwa ko habaho agace gatuwe n'abantu aba n'aba bafite icyo behuriyeho, kuko ab'imitima yanengiyie, babyuririraho bakongera gukongeza ifumba y'ivangura.

Ubutegetsi bukwiye kwamagan ibintu byose byazana inyigisho cyangwa ibitekerezo bitanya abantu. Muri urwo rwego, Ibiganiro, cyangwa ibinyamakuru hibogamye bigacirwa mu mizi. Aha kandi twakongeraho amadini y'ibyadukayigisha abantu kwigomeka ku butegetsi, no kwangiza ibikorwa by'amajyambere, Na yo ni ayo kurwanywa hivuye inyume.

Ni ngombwa ko ingabo z'igihugu zihugurwa, kandi zigashhwa thengombwa binagije hyo kurinda abaturage. Ariko na none hakwiye emahuriro y'ingabo n'abaturage basenzwe, kugirango bashobore gusabana no kumva ko boso ari abanyarwanda kimwe. Umusirikare ~~ntakohere~~ gufatwa nk'umuntu ushinzwe kurasa gusa; abubwo na we akegira uruhare muri Politiki no mu yindi mirimo yo kubaka igihugu.

Kugirango ibyo byose bizagerweho, abategetsi bagomba kwigisha abantu boso, no kubakangurira umuco w'amahoro n'ubwiyunge. Muri urwo rwego, hategurwa amahugurwa, ingabo n'andi mahuriro anyuranye, yahuriza hamwe abanyarwanda bo mu nzego zose zinyuranye kuva muri Selire, kugeza ku rwego rw'igihugu, abantu bagahura bagasabana, bakigira hamwe ibibazo byabo bakanabishakira umuti. Nibwo abanyarwanda bakumva ko ari bamwe, ko ibyago n'ibyishimo habisangira.

Hategurwa kandi ibibangano by'umwimerere, byaba ibiganiro mbwirwaruhame, amakinamico, cyangwa izindi nyandiko bigamije kwigisha ubumwe bw'abanyarwanda, maze twese abategetsi, ingabo, buri muntu mu rwego rwe tuyahagurukira rimwe, tukubake u Rwanda rwacu.

Nk'uko bikunze kuvugwa "ITANGAZAMAKURU ni ubutegetsi bwa kane" Mu marorerwa yabaye mu gihugu cyacu, ryagize uruhare renini, kuko ryabaye igikoresho cy'abany~~a~~ politiki obi. Ijwi ryabo ryumvikaniyemo babona uburyo bworoshye bwo gushyira mu bikorwa imigamo yabo mibisha. Ryabaye umuhuza w'abicyenyi, nabo bamaramaza hose umwiryane n'ubwicanyi.

Niyo mpamvu hakwiye gufatwa ingamba nshya, itangazamakuru rikaba igikoresho cy'umusemburo w'ubumwe, ubwiyunge n'ubworoherane, ubulabera n'uburinganire. Mu Rwanda ptitugikeneye itangazamakuru .

riherabika abantu ribashushanya cyangwa "gashozantambara" nka "R.T.L.M.", ritubwira ko hari Abanyarwanda bagombe gupfa, nk'aho ari inyamaswa cyangwa bahisemo aho bavukire.

Rigomba gufasha abanyarwanda kumenya no gusobenukirwa ibyabaye shandi. Rigomba kandi kubagezaho amakuru y'imvaho atabeganye. Dukeneye itangazamakuru rihugura abaturage, rikabigisha kubana neza no kwihangenirane. Rigomba kubakangurira kudashyamirene ahubwo bagira ibibazo bakabikemurira mu butabera n'amahoro. Abanyamakuru bagomba guhuza abanyarwanda, umuntu akamenya ibyiza n'ibibi hyabaye. Itangazamakuru dukwiye kwimiriza imbere, si iryibanda ku mibereho y'abanyapolitiki, uko biriwe n'uko baraye. Rigomba kwita ku mibereho y'abaturage ribereka ihibazo byabo bya buri munsu, inzira zo kubikerura, n'uburyo bakwiteza imbere. Rikwiye gufasha abaturage ribereka uburyo babyaza ubutaka bwabo umusaruro, begateza imbere ubukorikori n'imyuga iciriritse, maze bakishakira n'imirimo.

Rikwiye kwamagana akarengane ari ari ko kose nta gusebanya rikerekira abayobora n'abayoborwa ibitagenda neza, ndetse n'ingamba zafatwa. Abanyamakuru ni ngombwa ko bita ku guhesha agaciro umwuge wabo, bakirinda icyatumu riba igikoresho cy'abanyapolitiki, bityo rigakorera mu bwigenge busesuye.

Igihe cyose rizaha ari urubuga abanyarwanda biniguriramo, rikabigisha kubana neza ribakura mu icuraburindi ry'ubujiji, rigashyigikira ubutabera, ubworoherane n'ubiyunge; nta kabuza abaturarwanda bazakora igikwiye bitabire kubana mu mahoro.

Umurimo ukomeye w'UBUCHAMANZA niwo uzavaho imbuto y'ubuwumvikane buzira urwikekwe. Urwo rwego ni ingenzi mu mibanire myiza y'abatuye igihugu, kuko iyihe cyose bunyuze mu nzira zibaneeye, bukemura ibibazo byose bishohora kuba byateza ubwumvikane buke mu baturage. Niyo mpamvu nyuma yo kwibonera skaga Kakomotse ku mikorere mibi yabwo n'umuco wo kudahana wari werokame ubutegetsi bw'u Rwanda abanyarwanda bateze, amaso ku ngamba z'abategetsi bashya b'iki gihugu, hagomba cyane cyane mu rwego rw'uhutabera kwite ku busugire bw'amatergeko, kandi imyanzuro yayo igashyirwa mu bikorwa uko yateganyijwe. Igihe hagaragara ko hari igikinzwe nabie, ni ngombwa ko abebishinzwe heterene bakarikosora aho Kugirango haveho impamvu za bamwe zo kwiisobanura no kurishyira mu bikorwauko baryumva ngo hahanwe umuntu aho guhana ikosa, ari nabyo bituma bamwe bigirizwaho nkana, abendi bagakingirwa ikibaba.

Kubera kandi igihugu cyane kidafite shakozibabyigiye bihaginiye, muri urwo rwego kandi kikaba gifite ingorane zo kuburanisha abashinjwa ibyaha by'ingeri zose, ariko cyane cyane icyaha cy'itsembebwoko n'itsembe, ni ngombwa ko Lete y'u Rwanda yafate ingambazihemye zo kongera amahugurwa yatengiye, akazebo agamije guhugura qba kunganira abakozi baki baoiyigiye dufite mu murimo utorashye wo kuburanisha imfungwa zitari nke igihugu cyane gifite; ndetse n'abefatwa bakenkuaho ibyaha binyuranye, begashyikirizwa ubucanza, nabwo bugakora umurimo wabwo

Tuvuye mu ngeri y'ababyigiye, tubona ko hari urundi rwego rugomba inararibonye kandi rukaba ari ingirakemaro, kuko rwegereye umuturage, bityo ibibazo bye bigakemurirwa mu maguru mashya bitaravemo inzika, inzigo, inzanganc cyangwa amahane, ari nabyo bifyare umutekano muke no kutebana neza. Niyo mpamvu rero "Gacaca" igomba guhazwa icyuheshi n'unushoboz, abaturage nabo bagakengurirwa kuyiyambaze aho kwirukira mu butegetsi bwo hejuru igihe cyose habaye ikibazo bakabanza kugikemu rira ku mirenge yaho.

Muri iki gihe ibibazo byinshi bihangayikishije abantu ni ibyakuruwe n'amarorera yakozwe muw'1994. Amaheno yabaye muri uwo mwaka yatumye haza agahu mu muhano wa bamwe muubatuye u Rwanda. Bamwe baracyafite ibibazo byo kubona mu babahekuye cyangwa babiciye ababo hari abakidegembya, ibyo bikaba byatumwa bamwe muri bo bashaka kwihorera bakese kó ubucamenza bwabetereranye, cyangwa se nabo ba "Ruharwa" bagakora ibishoboka byose bagirango bazimanganye ibimenyetso byabashinje maze bekaba bakwivugana uwo ari we wese waba afite icyo azi ku byo bakoze. Niyo mpamvu rero ubutabera bugomba gukora ibishoboka byose, abakekwaho ibyaha bagafatwa, abafashwe bakaburanishwa, abatsinze bakarekurwa, maze abatsinzwe bagakatirwa, bityo icyizere n'ubusabane bikongera bigasugira mu Banyarwanda, ubwiyunge n'ubwumvikenye bikaganza.

Kugirango Abanyarwanda bongere babane neza ni ngombwa ko **UMUTURAGE** we shingiro ry'igihugu, yumva neza icyo yakora, ubwiyunge, ubworoherane, ubwumvukane no kubabarirana bigomba guhere mu miryango yo hasi no mu baturanyi.

Nyuma y'intambara n'ubwicanyi byo muri Mata 1994, umuturage **akwi yekutigiza** nkana no **kwirengagiza** ibibazo byatewe n'ayo mahano, agakora uko ashoboye ngo asibe ibyena byatewe n'ako kaga, agasanga umuturanyi. we ngo baterane ingabo mu bitugu maze bazahure urwababyaye.

Kubera ibibi byinshi byaranze icyo gihe, kugirango abanya-rwanda bongere basabane, ni ngombwa ko uwakosheje abyemera kandi akagira ubutwari bwo gusaba imbabazi, bityo akaba yorohereje ubutabera. Ijwakoze ikosa nasaba imbabazi, **UWAKOSHEREJE** naue akabona azisabwa n'umuntu ubebajwe n'icyaha cye, azamubabarira. Ubabaririwe naue agomba kumva ko bidahagije. Aramutse yarangije nk'ikintu ntibyamubuza ko yafasha nyiracyo kugisane. Ntibyabuza kendi ubutabera gukora akazi kabwo kuko bubereyeho kunga. Ni ukuvuga ko abanyarwanda nibasezerana ko ibyeshaye bibi bitazongera kubaho, bazababarirana maze bakongera kubana neza.

Ibyo bizagerwaho ariko nibavugisha ukuri, haba hagati y'umu-turage n'undi cyangwe se hagati y'uyobore n'uyoborwa. Kuko iyo umuntu azira ikinyome, Uwo baganire amugiramo icyizere, maze ibyo amubwira akabiha ageciro. Abanyarwanda nibirinda kuryaryana no kuheshyana, nta kabuza bazongera babane neza.

Undi musanzu **w'umuturage**, ni uguharanira ubworoherane n'ubwi-yunge. Niyiyumvisha ko uwo bedahuje ibitekerezo cyangwa batumva ibintu kimwe naue ari umuntu kandi akaba afite uburenganzira nk'ubwe, ntamwi-shishe ahubwo akamusanga ngo basabane, akamugezaho ibyo amurusha, undi naue akamuvungurira Kubyo amusumbije, bazuzuzanya ndetse n'ubwiyunge buhere aho, amacakubiri acike aho gucengeza umudo wo gucagagurana.

Ikindi umuturage atagombye kwirengagiza kugirango abanya-rwanda bongere babane neza ni uko abantu buse bangana, bareshye imbere y'amategeko, yagombye kumenya ko nta bwoko buruta ubundi. Nta wagombye kwirata ku bandi ngo ni uko atgye gutya na gutya, ko asa ukwe, ko avuga ukwe, ko avuka ahantu hakize cyangwa hakenye, ko afite ukwemera yihariye cyangwa ko ari igitsina iki n'iki. Ibyo byasobanura ko umuntu ari umuntu, ko akwiye icyubaho cye n'uburenganzira bwe. Kugirango rero abanyarwanda bongere basabane, abaturage aho kureba ibibatandukanya begombye kureba ibyo bahuriyeho, aho kureba ibyo bapfa, bakareba ibyo bapfana; maze bakabona mu itandukanyirizo riri hagati yabo itegeko ry'ubwuzuzanye n'ubufatanye.

Ikindi cyatumwa abanyarwanda bongere kubana neza ni uko buri muturage yakumva kandi akagerageza kurangiza neza uruhare afite mu kongera kubaka igihugu, ntarekere umutekano abasirikeri n'abagorisi ahubwo na we akagerageza kuwubungabunga mu rugero abishoboyemo. Mu byerekeye ubukungu agomba naho kugaragaza uruhare rwe yivuye inyuma. Ku byerekeye umuco, uruhare runini rwo kuwukomeraho ntabwo ari urwa "Minisiteri y'Urubyiruko, siporo, umuco no kwigisha imyuga iciriritse" si urw'abayobozi gusa ahubwó ni urw'ebabyeyi. Agomba kwigisha umwana we kuva akivuka.

Abanyarwanda bazongera babane neza niba buri muntu ugiye gutangira umushinga cyangwa ikindi gikorwa agiye yibaza ati "gifikasiye Kamaro ki abanyarwanda bose?". Igihe umuntu aramutse abonye inyungu zacyo ari ize bwite, ari iz'abantu baki, cyangwa hari abo cyabangamira, akakireka, akagerageza icyagirira Abaturarwanda henshi akamaro. Ni ukuvuga ko kugirango abanyarwanda bongere babane nta ntugunde, mu mahoro umunezero no mu ituze, buri wese Yagombye kureba icyo yakora cyangwa yamarira undi ubu ndetse no mu bihe biri imbere. Yagombye kureba icyo arusha mugenzi we n'icyo arushwa na we maze bekuzuzanya. Yagombye kandi kuitangira urwamubyeye azi ko ari we ubwe wikerera,

Na none kandi nk'uko igitsina gore kigira impuhwe kurusha abagabo, bafite inshingano ikomeye mu mibanire myiza y'abanyarwanda. dore ko ari nabo bakunze kuba bari kumwe n'abana ku buryo ari bo bagira uruhare runini ku myifatire myiza y'urubyiruko. Ikibabeje ariko ni uko bakunze gupfukiranwa, ntibagire icyo bevuga ku byemezo hyafashwe n'abagabo, kabone n'aho byaba bitagororotse. Niyo mpamvu rero hagomba kugenwa gahundé z'amaseshano y'abari n'abategerugéri agamije kunguramibitekerezo ku cyakorwa kugirango ubwamvikane busabe, kandi imyanzuro yabo igashéwa ageciro kuko hari mu beshobore ku buryo butaziguye, gucengeza uburere bwiza mwbo barere maze bakabukurana kuko ngo "Igitu Kigororwa kikiri gito".

Inkunga y'uburezi mu iterambere ry'igihugu, mu guharanira ubumwe n'ubwiyunge ntigira uko isa. Mu byukuri, iyo tutaza kugira abarezi gito, bagatoza abana b'u Rwanda urukundo, bakabace ku rwango bakabonsa umuco w'ubumwe n'amahoro, bakabesangiza umusa n'ubusabane n'ubworoherane, aho kubahindurá ba "Rusahurira mu nduru" basenga abo basangije isano, igihugu cyacu ntabwo kiba cyaracuze induru n'imiborogo.

Abanyarwanda barihoreye batu "Uburerere buruta ubuvuke". Ntibihogije kuba waravukiye haza kandi neza kugirango ube ingirakamaro nk'uko kera umwana yatozwaga kuba umugabo, agatoza kuba imfurá, agakura bamwigisha gukunda igihugu no kukirwanira ishyaka, Uwo muco mwiza wari ukwiye gusubizwa ijambo, abana bekigishwa amateka atabogamye, maze hagashyirwaho isomo (mu ntaganyanyigisho) ryo mu rwego rw'uburerere mboneragihugu rigamije gukundisha byimazeyo abana igihugye cyabo, babasesengurira imibanire y'abó mu hihe byahise, iringorane bahuye nazo, icyaziteye, n'ingamba zafatwa kugirango tubirengé. Hakwigishwamo kandi umurongo wa Poritiki igihugu kigenderaho kugira ngo umwana akure akangukiye ubusugire bw'igihugu cye.

Abarezi begomba kuba intangarugero, bagomba kumenya ko "Uko umureze ari ko akunera". Nibo bagomba gufata iya mbere mu gutoza urubyiruko umuco n'amahoro n'ubwiyunge, aho kubeshishikeriza kurya inka no gukaraba inkaba, ngo umwana akure azi ko intwari ari iyisha abantu batebarika, Abarerwa nabo bafite inshingano yo guhumurizanya, bakamarana intimba bungurane ibitekerezo, bakumva ko turi bamwe.

Nta wavuye i Bugande, i Burundi n'ahandi, zhubwo twese turi abana b'u Rwanda.

Abarezi begomba Kwibutsa abarerwa ko uhitemo inshuti udahitemo umuturanyi. Nta wahisemo kuba umunyarwanda ajya kuvuka, Kubera iyo mpamvu, Gahutu, Gatwa, Gatutsi, bagombagufatana urunana. Nk'uko abakurambere bunze ubumwe bakarukura i Gasaba kugeza iyo piterua inkingi.

Abanyeshuri nabo bagomba kwirinda abihuha bidafite epfo na ruguru bagafatanya n'ubuyobozi bwa Leta mu kurwanya icyehungabanya

umutekano cyose. Muri urwo rwego na none, bagomba gucika ku mazina n'ibindi bantu biducamo ibice Nta "INTERAHAMWE", nta "GIPINGA" nta "NYENZI" nta "NZOKA", Twese turi beno kanyarwanda.

Kugirango abanyarwanda bongere babane neza, no ngombwa ko URUBYIRUKO rugira uruhare runini kuko iyo twitegerereje dusange umubare manini w'abatuye u Rwanda ari rwo ruwugize. Ikindi kandi nirwo mizero y'igihugu kuko ari rwo rufite ingufu zo kongera kucyubaka, ariko na none rukirinda kuzikoresha nobi iyiyoseem. Urubyiruko rugira ishyaka maze icyo rwiyeje rukagishyiraho umuhate kugirango gitungane. Niyo mpamvu rero ruramutse rwihiye intego yo kubanya neza abanyarwanda nta kabuza rwabigeraho.

Kugirango rubigereho ariko, rwagombye gusabana hagati yarwo rukabana neza maze rugahurize ingufu zarwo mu miryango n'amashyirahamwe. Byarufasha kujya ruhura kenshi, rukaba rweniga uburyo rujya rufasha abonyentege nke, kuko iyo ubasenze bumva ko bitewaho maze umubano mwiza ugakomera. Urubyiruko rwagombye kandi gutegura kenshi imikino n'amamurika y'ibyo rwagezeho kuko biri mu bihuza abantu benshi bakamennyana, bakaba inshuti, maze umubano mwiza ugasugira ugasagamba.

Nta washidikanya ko ihihezo u Rwanda rwahuye nabyo, ingorane z'URUKUNGU ziri mu byabitije umurindi, aka ya nditimbo ngo "MPEMUKE NDAMUKE" n'tubwo itagikwiye kuba mu bantu yarabaye Papa Paul wa VI niwe wihoreye ati "Amajyambere ni indi nyito y'amahoro". Koko rero uharanira amajyambere y'abaturage aba akotanira amahoro ku isi, kuko igihugu kidashobora kugera kuri ayo majyambere kideshimangiye ubukungu bwacye.

Ni ngombwa rero ko twareba uburyo twakoresha kugirango abanyarwanda bongere babane neza.

Ubukungu bwa mbare ni abaturage b'iguhugu. Kuko nta cyakorwa nta maboko igihugu gifite. Tugomba gukora uko dushoboye rero, kugira ngo tubyaze amaboko y'abanyarwanda umusaruro, twirinda ibidutandukanya byose. Ni muri urwo rwego dukwiye guteza imbere ikoranabuhanga riciriritse rishingiye ku bikoresho dusanga hano iwacu kandi tugafatanya n'ibihugu duturanye mbere yoi kwirukira ibyadusize cyane.

Ni ngombwa ko twamagana inda nini rishingiye ku muco wo kwiku bira no kunyunyuza imitsi y'abandi, tugaca ingeso yo kurya ruswa maze buri munyarwanda agahabwa ibyo akiye igithe tuzaba twageze ku bukungu bushyitse, tukamagana ubunebwe maze hakarya uwakoze, bityo ibisenhoka bikaba byinshi kuruta ibyo duhaha.

Ibyo bizagerwaho nidufata ingamba zihamy e z'ubutaka kuko ari wo mutungo kemere w'igihugu cyexcu. Ibibazo by'imishahare y'intice ntikize na byo bigomba gukemurwa kuko bitegerwamo benshi mu bakozi bashaka amaramuko.

Kugirango rero ubukungu butugeze ku mahoro n'ubwiyunge, tugomba kugerageza gukemura ingorane tumaze kuvuga. Kuko "ababiri bahuya" bakajya inama haruta umunani uresana! Ni ngombwa gufatanya muri byose, tugacirena, tugasukirana nk'uko abakurambere bacu babikoraga.

AMADINI nayo afite uruhare runini mu byakorwa ngo abanya rwanda bongere babane neza. Kubera ko amadini yigisha urukundo, ubutabera n'amahoro, abanyamadini bagombye kuba intangarugero mu byo bigisha bityo abigishwa ntibabakurikirire amagambo gusa, ahubwo no kubera ingeso nziza babonaho.

Ikindi kandi, abanyamadini bari mu bantu begera cyane abaturage, bakumvwa kandi bakemerwa cyane ne bo, bityo bakabakurikira. Kubera iyom mpamvu icyo bavuze, abayoboke bacyumve vuba kandi bakagerageza kubishyira mu bikorwa. Icyifuzwa rero ni uko abanyamadini bakwighisha ubworherane, ukubabarirana no kwiyunga. Bagombye kandi kwigisha inyigisho zihuza abanyarwanda bose bityo bakirinda izibatandukanya cyangwa izabakura umutima kuko bene izo zibabuza umutekano wabo. Urugero ni inyigisho zimaze iminsi zavugaga ibyerekeye ishira ry'Isi.

Hano mu Rwanda rwacu, abanyamadini bafatwa nk'abantu bakomeye kandi havuge rikumvikana. Ibyo rero bigeragaza uruhare runini bepite kugirango abanyarwanda bongere babane neza. Bakwiye kwamagana akarengahé igithe cyose karamutse kabayeho. Byananiraná bagatabariza abarengana ndetse byaba ngombwa bakabitangira nk'uko babyigisha. Abanyarwanda bazongera babane neza igithe cyose nta dini rizashaka kwivanga muri Poitiki kugirengó igihugu kiyoborwe hakurikijwe amatwara yaryo cyangwa riyobokwe ku gitugu.

Maze reeo nk'uko bigaragara, kugiringo abanyarwanda bongere kubana neza, ni ngombwa ko buri wese atanga umusanzu we, Ni twebwe ubwacu tuzicyemurira ibibazo byecu. Twihumwa amaso n'inyuru zacu, ngo ducurane, ducagagurane mu duke dufite. "Ahatariumwaga uruhu rw'Urukwau rwisasira batanu" u Rwanda si ruto. Abanyarwanda nitwe gito. Ntihakora ubwoko hakora ubwonko. Dushimire umuntu ibitekerezo bye byubaka titaye kucyo ari cyo nta "Muhutu, nta"Mutwa", nta "Mututsi", nta "Mukiga"nta "Munyenduga"...twese turi bene kanyarwanda. Ibikorwa bibi by'umuntu ntibikitirirwe aho akomoka, kandi abanyarwanda ntibagakingirwe ikibaba kuber- ikimenyane. Turangwe n'urukundo, ukuri n'ubupfura, maze izuba rya Demokarasi, ubumwe n'ubutabera, ritengaze iwacu, ya Mana itaha i Rwanda inahirirwe. Ngaho munyarwanda aho uri hose, kenyere ubutabera witere ubworoherane, urwanye ubujiji bwo "Senga" y'ubukene n'umwiryane. "Abagiye inama imana irabasanga" Kézzi ngo "Abajya iprem, imana irabasanya" kandi ngo "ebabiri bahuye bekajya inama baruta umunani urasaza". Hagomba ubwiyunge kugirango abanyarwanda bongere babane neza. Abakoze amarorerwa bayahanirwe, aberere behanagurweho ibyaha maze duhu-méke amahumbezi y'amahoro; dore na "Guverinoma y'ubumwe" yaciriye izamba uzirega akemera amakosa ye. Mutegetsi ha intangeriugeru uri intumwa ya rubanda, banyamakuru nemwe banyamadini, mubibe imbuto y'ubumwe n'ubwiyunge, ubutabera buharanira ukuri buhame. Muturage ni wowe "Buye nsanganyarukute", ni wowe shingiro ry' emajyambere y'igihugu; bonyeyi mutwambarire impumbya, rubyiruko nemwe nimwe ngufu z'igihugu, mugire ubugiri maze ubufatanye bube intego ya buri wese.

\*\*\*\*\*  
\*  
\* URWUNGE RW'AMASHULI UMURYANGO MUTAGATIFU RW'I NYAMASHEKE  
\*  
\*

\* AGASANDUKU K'IPOSITA IZ CYANGUGU  
\*  
\*

\* IRUSHANWA RYO KUVUGA NEZA IKINYARWANDA  
\*  
\*

\* ICYAKORWA KUGIRA NGO ABANYARWANDA BONGERE BABANE NEZA  
\*  
\*

\* ANYESI NKUSI - UWIMANA  
\*  
\*

\* UMWAKA WA GATANU W'AMASHULI YISUMBUYE  
\*  
\*

\* ISHAMMI RY'IBINYABUZIMA N'UBUTABIRE  
\*  
\*

\* KU WA 27 NYAKANGA 1997  
\*  
\*

\*\*\*\*\*

Mbanje kubasuhuza mwese. Nshimishijwe n'uko duhuriye hano kugira ngo tugire icyo tugarira ku cyakorwa ku buryo Abanyarwanda bakongera kubana neza. Dukurikije amahano yabereye mu Rwanda, ni koko hakwiye ubwiyunge mu Banyarwanda. Baturage, dukore iki? Rubyiruko, dukore iki? Mu butegetsi bw'igihugu hakorwa iki? Mu bucamanza hakorwa iki? Twese hamwe dukore iki?

Ubusanzwe mu mateka yo hambere, tuzi ko Abanyarwanda babanaga mu bwumvikane no mu busabane, nta macakubiri ari hagati yabo. Umunyarwanda yareba undi, akamubonamo ishusho muntu. Yamutungura amwišabaje, aka-mutabara atishisha.

Urukundo rwo rwabo rware akarusho. Rwasagaragariraga mu bihanggo bahanaga hagati yabo, ku buryo nta wahemukiraga undi, ngo adatatira igihangc. Mu mibanire yabo, barashyingiranaga batishishanya.

Umunyarwanda yitabazaga mugenzi we mu gihe cy'amage, akitabira kumuvuna atitaye ku nkomo ye. Igihugu cyaba gitewe n'umwanzi, abana b'u Rwanda baktanga batitangiriye itama; kugira ngo mu butanye bwabo babashe guhashya umwanzi ye kwigarurira Igihugu cyababyaye.

Ubwiyoroshye bw'Abanyarwanda bwagaragariraga cyane mu kinyabupfura cyabo.

Ingero zibigaragaza ni nyinshi:

- Umukazana yubahaga Sebukwe, yewe ntabe yatinyuka kumwatura mu izina;
- Nta mwana wasuzuguraga umubyeyi we, kuko yabaga azi ko ari we akesha byose;

Abanyarwanda bakomeje kubana mu bwumvikane, barangwa n'urukundo, ubufatanye ndetse n'ubwiyoroshye, umuco karande ukaranda mu bana b'Abanyarwanda.

Nyamara kandi nyuma yaho, haje kuza mmacakubiri yazanywe n'umwaduko wa bamwe mu Banyamahanga. Uwo mwaduko winjiranye n'ivangura ry'amoko mu bana b'u Rwanda, ari ryo ryatumye bicamo ibice.

Habayeho ubukandamizwe n'ubutoni kuri bamwe, ubusumbane mu bana b'Abanyarwanda buraganza, kwizerana birakendera, hagaragara ubwishishane.

Umuco karande w'Abanyarwanda uribagirana, himikwa umuco w'Abanyamahanga, wiganje cyane mu rubyiruko, ukabatesha umuco wa ba Sogokuru na ba Sogokuruza.

UMUCO KARANDE NUHABWE ICYICARO. Babyeyi, mwibuke ko urubyiruko ari rwo Rwanda rw'ejo. Nimushishikarire guha abana banyu uburere bwiza, mubatoze umuco mwiza w'Abanyarwanda, bakure basibanganya umuco w'Abanyamahanga, bimirije imbere umuco nyarwanda.: Rubyiruko namwe, nimwibuke ko ari mwe Igihugu gihanze amaso, mukazagihesha ishema mu mahanga, mu bikorwa byiza by'amajyambere. Nimufate iya mberere mu guca burundi no kwamagana umuc o mubi waru umaze gushora imizi mu bana b'Abanyarwanda, haze twibumbire hamwe twongere dusubize agaciro umuco karande w'abakurambere, duharanire kubaka u Rwanda rw'amahoro n'ubumwe.

AMACAKUBIRI NACIKE. Abanyarwanda bamaze gucikamo ibice, batangira kwitana bamwana. Ivangura ry'amoko ryatangiriye aho, umwe yareba undi akabona nta cyo avuze imbere ye, yewe yanamureba akamushishoza akabona nta cyo bahuriyeho.

... / ...

Umwiryanne uba wose mu Banyarwanda, ari bwo bamwe mu bana b'u Rwanda batangiye kume-neshwa. Bahunze batazi iyo bagana n'uwo basanga, baratatana barateragira, basigi-shwa ibyabo, batambagira impinga batora ubusa kandi bari batunze.

Abo bana b'u Rwanda bamaze igihe n'agahe inyuma y'imisozi, baratesekara baraserera, iby'Imana bahasanga abaturanyi b'imitima myiza, babakirana urugwiro, bashira impu-mu bataturana baratuza.

Imyaka irashira indi irataha, baba bakumbuye Igihugu cyabo, ari cyo u Rwanda rwa Gasabo.

Baraterana baratekereza, bati" ubu dukwiye gutaha tugasubira iwacu i Rwanda". Ubwo basabye kuza mu mahoro, ubutegetsi bwareho burinangira, burabategeragiza bashoza intambaza, ari bwo igitero cya mberere cyagabwe mu Mutara, baraharwanira rubura gica.

Ayo macakubiri yarakomeje araranda kugeza ubwo yakuruye intambare mu Gihugu cyose, abaturage bumvira amabwiriza mabi y'ubutegetsi bwareho muri icyo gihe, hanyuma bakora amarorerwa buri Munyarwanda wese yiboneye n'amase. Intwari z'u Rwanda zari inyuma y'Igihugu zunvise ayo marorerwa ari kubera mu Rwanda, ziravuga ziti" dutanzwe ku rugamba", ziza gutabara izo nzirakarengeza. Iyo ntambara yangije byinshi bifite akamaro, nko gusenya ibikorwa by'ama jyambere, guhungabanya umutekano wa benshi ari byo byaziyemo ihahamuka, kwishishanya, umutekano muke, binatuma hasigara imfubyi nyinshi n'abapfakazi mu Gihugu c'u Rwanda. Amacakubiri nacike!

NONE BANYARWANDA DUKORE IKI? Abanyarwanda bari bakwiye kwishyira hamwe bagashaka umuti w'ibibazo byabo. Uwiske akwiye kwegeza uwo yiciye akamusaba imbabazi, na we agaca inkoni izamba, akamushakira igihano kimukwiriye, bakongera bagaturana neza, bagasangira batishishana, bagaterana inkunga nko hambere, bakungu-rana n'ibitekerezo. Yamusaba indishyi z'akababaro, akazitanga atiganyira, akabirana umutima ukunda ukwiye kwakira imbabazi. Uwasahuye na we akwiye gusubiza iby'abandiatagononwa, kandi akanasaba imbabazi z'ibyo yakoze ashutswe.

Bitumvikana ko imitima ya benshi yakomeretse. Hakwiye kubaho ubwiyunje cyane cyane mu Banyarwanda ubwabo. Bakirinda kubeshyerana babitewe n'inzige zisanzwe hagati yabo, ngo umuntu avuge ati" Kunaka yishe cyangwa yasahuye Kanaka", amubeshyera ngo arebe ko yafungwa nyamara kandi azira ubusa. Umuntu wese uzi uwakoze amahano, akaba atazwi n'ubutegetsi bw'igihugu, agomba kwirinda kumuhishira akamuvuga ku mugaragaro, cyangwa se we ubwe akivuga niba akeneye gusaba imbabazi. Tuzi kandi ko hari abagiye bahunze mu ngabo zatsinzwe, bamwe bakihisha bakagaruka baje kwica no gusahura. Mu gihe babonetse bagomba guhita bafatwa bagashyikirizwa ubutegetsi bubegereye, batitaye ku masano n'imiryango. Buri muntu wese nashyireho ake, umutekano ugane iwacu, amahoro yongere asagambe, Abanyarwanda bongere babane neza.

DUSANE IBIKORWA BY'AMAJYAMBERE BIANGIWE N'INTAMBARA. Duhereye ku burezi, abana b'u Rwanda barigaga bakisanzura, ibibondo bigakura bifite uburere bwiza, byimirije imbere kujya mu ishuri ngo bimen ye ubwenge nk'abandi. Bitabwagaho n'amahanga akabishima. Nyamara icyazanye amacakubiri mu bantu cyatemye birengagiza ubwo burere bwiza bw'unwana.

... / ...

Kandi amategeko avuga ko" umwana wese uvutse afite uburenganzira bwo kubaho iyo yavutse ari muzima."

"Ingingo ya 16, Igitabo cy'Amategeko Agenga Abaturage (Code Civil)"  
Abenshi nu barezi batangira kuyobya abana, ari ha bwo bayoboye abandi mu gusenya no kwangiza ibyarengera umwana mu burezi.  
Amashuri yasenywe henshi na henshi mu gihugu, ibikoresho byinshi byo mu mashuri nk'ibitabo, n'ibindi...bigasandazwa mu mayira batitaye ku kamaro kabyo.  
Nyamara biyibagije wa mugani w'Abanyarwanda uvuga ngo "Rubanda barya igicucu batazi icyo bazugamamo izuba".  
Kubera uburezi bw'abana bwasubiyen inyuma, hakwiye kubaho amahugurwa mu barezi kugira ngo bagire umwete wo gusubiza agaciro uburere bwiza bw'umwana kandi bamagane uwashaka kumuvutsea ubwo burere.  
Mu busima bw'Umunyarwanda, yaba umwana cyangwa se umuntu mukuru, yagirage akensi ubuzima buzira umuze. Yafatwa n'indwara skihutira kujya ku ivuriro, bakamwitaho batajijinganya. Nyamara kandi nyuma yaho amavuriro yatewe hejur, imiti n'ibindi bikoresho byose birasahurwa, ba magendu babonersho, n'abatazi uko iyo miti ikoreshw.

Kubera ubuzima bw'Abanyarwanda bwahungabanye ku mpamu zo kubura imiti n'amavuriro, hakwiye kubaho isanwa ry'amavuriro, ibyo bikazadufasha kwirinda ba magendu basesa ubuzima bwacu aho kubusana.

Nyuma y'ayo marorerwa, hakurikiye ihunga riteye ubwoba, abenshi bakagenda batazi n'icyo bahunga batewe ubwoba na bamwe mu bakoze amahano. Intambara yasize bamwe iheruheru, baburanye n'ababo barababara, ugasanga abana benshi hirya no hino badafite ababyeyi, babuze kirengera.  
Ugasanga umubyeyi yarasigaye nta kana, abagore bagateshwa abagabo babo, abagabo na bo bagateshwa abagore babo. Mu kwibaza uko bazabaho bonyine badafite ababo, abenshi bagiye bafatwa n'ihahamuka ritewe n'iyo ntambara.

Abanyarwanda bari inyuma y'Igihugu bakwiye kugaruka batishisha, bakiyemeza gufatanya n'abandi kubaka u Rwanda rushya.

Abanyarwanda bakwiye kwishyira hamwe bagasana ibyangijwe n'intambara byose, ariko cyane cyane, bagasana imitima yabo yakomerekejwe n'amarorerwa yabaye mu gihugu cy'u Rwanda. Buri Munyarwanda yari akwiye guharanira ubutabera, akagira ukuri mu bitekerezo bye adafite uruhande abogamiysho.

Abanyarwanda twari dukwiye guhuriza hamwe imbaraga zazu, tugasana ibyangijwe n'intambara, abangije ibikorwa by'amajyambere bagafatirwa ingamba zihamye kugira ngo ibyo bikorwa byo gusenya bitazongera gusubirwa.

MU BUTEGETSI BW'ICINUGU HAKORWE IKI? Ubutegetsi bwareho mbere, bwakoreshaga igitugu. Mu myaka yashize, habayeho ikandamizwa rya bamwe mu Banyarwanda.  
Ibyo byagaragazwaga no kurwanira isyanya mu butegetsi, hakurikijwe irondakarere, bukitwa ubutegetsi bukorera abaturage, nyamara bwimirije imbere inyungu z'ababugize.  
Ubwo butegetsi bubi bwateje ingaruka mbi mu gihugu cyose, bwinjiza ibitekerezo bibi mu Banyarwanda bamwe na bamwe, bimika ikinyoma mu mitima yabo, nyuma kiza kubyara amahano ari yo "tsembahwoko n'itserbatseuha" yagaragariye amaso ya buri Munyarwanda wese mu wa 1994.

... / ...

Nk'uko byari biturutse mu rwego rwo hejuru, Abanyarwanda bicanye nta cye bishisha. Utusanzwe amategeko avuga ko uburenganzira bw'ikiremwamuntu bugomba kubahirizwa kuva akivuka kugeza ashaje cyangwa apfuye azize izindi mpanuka ariko nta wumuhutaje. Iyo bidaturuka ku butegetsi bubu, bakiha ibyo guhutaza ikiremwamuntu, bagombaga gufatwa bagahanwa. Nyamara si ko byagenze, ubutegetsi bwarabashyigikiye, maze bubatiza umurindi bwitayeho. Ubutegetsi bware bukwiye gukorera abagarakara, buri Muturarwanda akumva ko afite uruhare ku butegetsi n'ubwisanzure mu gihugu cye.

UMUCO WO KUDAHANA NUCIKE. Aho imikorere mibi y'ubutegetsi bwareho ikomeje gushora imizi, abenshi mu Banyarwanda bagiye bakora ikyaha byinshi bibi, nko kwicana n'ibindi, barangiza bakigaramira ubutagetsi bubireba bukabyihorera. Uwo muco mubi warakomeje urakura, kugeza ubwo biraye bagatangira kwica ku mugaragaro, inzirakarengane nyinshi zirahagwa, abandi bashimishwa no gushura, nyamara birengagije wa mugani w'Abanyarwanda uvuga ngo "ubirisha amenyo bikakurisha umutima".

Nyuma y'ayo mahano, habonetse ingaruka ku butegetsi bwagushije benshi mu cyaha, buratsindwa, buhurura buhungira inyuma y'Igihugu, bujyana n'abari bumviye amategeko mabi yabwo.

Umoco wo kudahana ukwiye gucika mu gihugu, buri muntu agahanirwa icyaha yakoze, kugira ngo abere intangarugero abifitemo ibitekerero bibi byo gukora ibinyuranyije n'amategeko.

Ubutegetsi bukwiye kwamaganira kure icyateza umwuka mubi mu baturage, bagashishikarira kurengera uburenganzira bw'ikiremwamuntu.

Ubutegetsi nibusubize amaso inyuma, burebe abasizwe iheruheru; imfubyi n'abapfakazi, bongere basubizwe ibyabo, bahumurizwe, kandi bitmbweho by'intangarugero.

Ubutegetsi bukwiye gukora uko bushoboya kose, bugaca umuco wo kudahana, bwibanda cyane cyane ku ngingo z'ingenzi zikurikira:

- Kutagira umururumba w'ibintu;
- Kudaterera agati mu ryinyo;
- Kudategekwa n'ifaranga;

Kubahiriza uburenganzira bw'ikiremwamuntu.

Ibyo byose byubahirijwe, kandi bigashyirwa mu bikorwa, ubutegetsi bwagira inshingano ku baturage, bukitabira guhana umuntu wese uciye ku mategeko, bugakoresha ubutegetsi bukwiye, bugakoresha ukuri budafite igice bubogamiyeho.

Ubutegetsi bukwiye kuba ubwa buri Muturarwanda wese, akabwisanzuraho nta ronakarere, bityo buri Munyarwanda wese akumva ko ashyigikiwe, nta wuhejwe mu gihugu cye, kandi atikanga umubisha wo mu gihugu wabasha guhungabanya ubuzima bwe.

MU BUCAMANZA HAKORWE IKI? Dufatiye ku mateka y'ubutegetsi bwareho hambere, hagiye haboneka ubucamanza bubogama. Rimwe na rimwe ntibuce imanza uko bikwiye. Bitewe n'iki? N'imikorere mibi y'ubucamanza, akarengane kabaye kose, abaturage barabyinubira. Ukuri mu rukiko gusimbuzwa ifaranga, kugira ngo utsinde bigahamagaze ruswa. Rubanda rugufi rwaraherenganiye rwo rutagiraga icyo rutanga.

... / ...

Nyamara inzego zo hejuru ntizikurikirene imikorere mibi y'ubucamanza. Iyo mikorere mibi yarakomeje iba akarande, kugeza ubwo imanza nyinshi zagiye zicibwa hadakuri- kijwe amategeko. Bigeza aho abacamanza baterera agati mu ryinyo, amakosa aragwi- ra mu gihugu, abateza umwuka mubi mu baturage ntibaba bagihauwa. Abaturage bamaze kubona ko nta cyo inkiko zikibamariye, bafashe umwanzuro wo kwi- hanira ubwabo.

Ingero nyinshi zirabigara gaza:

- Abenshi mu bisambo bagiye bafatwa bagahita bicwa n'abaturage ubwabo, ahensi mu turere tw'u Rwanda;
- Hari n'abahohoteraga uburenganzira bw'ikiremwanantu, bene umuntu batibona batyo, na bo ubwabo bakihorera.

Ingeso mbi yo kudahana yabaye intandaro yo gühohotera uburanganzira bw'ikiremwan- muntu, bituma abenshi mu Banyarwanda bumva gushukwa, baremura, bakora icyaha cy'u- bwicanyi kuko bari bazi ko batazahanwa.

Ibyo bikorwa bibi byakorwaga n'abaturage kubera imikorere mibi y'ubucamanza.

None hakorwa iki?

**UBUCAMANZA NIBWIVUGURURE.** Ubucamanza bukwiye kongera kwibukiranya ingingo zimwe na zimwe z'amategeko agenga ikiremwanantu kugira ngo bubashe guca imanza budafite aho bubogamiye, cyangwa butimirije imbere inyungu zabwo.

Ubucamanza bwari bukwiye kumenya ko:

- Abantu bose bareshya imbere y'amategeko;
  - Icyaha cyose kigomba gukurikiranwa;
  - Ibyaha bihanirwa hakurikijwe amategeko;
  - Imanza zose zigomba gucibwa n'inkiko zitifitiye ubuhasha;
  - Uregwa aba ari umwere imbere y'amategeko kugeza ubwo abagenzacyaha bamukurikirense, basanga atabeshyerwa, bakamushyikiriza urukiko rukamuhana, yaba erengane akareng- nurwa;
  - Uregwa afite uburenganzira bwo kujurira mu gihe yumvise ko atsinzwe bitari bikwiye. Ayo mahame y'ubutabera aksiye kubahirizwa mu nkiko zose, zaba inkiko za kanto, inki- ko za mbere z'iremezo, inkiko z'ubujurire, Wrukiko rw'Ikirenga,.....
- Ibyemezo ty'inkiko bigomba kubahirizwa na bose, n'iyo icyaha uregwa ahanaguweho, cyaba ari icyaha gikomeye cyane, kuko haba harabanje gukorwa ipereraza rihagije. Abaturage na bo, bakwiye kubyumva neza kandi bakabisobanukirwa. Kugira ngo ababuze ababo babane neza n'ababateye ubwo bwigunge, uwiciwe nakoreshe ukuri, yerekane uwamwiciye, hanyuma amushyikirize ubucamanza, nibumara gukora iper- reza bugasanga ibimenyetso bimuhama, urega amusahire igihano kimukwiriye. Abafunzwe bazira akarengane, na bo ibyabo bigomba gukurikiranwa kugira ngo bare- nganurwe n'ubucamanza.
- Ubucamanza nibukorere mu mucyp, buce imanza butabogama kandi butabera, abaturage bisanzure mu nkiko bongere bumvikane baturane ituze.

None ubumwe bwagerwaho bute~~K~~Kugira ngo Abanyarwanda bongere babane neza, bakwiye kongera kwibumbira hamwe, bakigira hamwe umuti w'ibibazo bitera amacakubiri hagati yabo, bagafata ibyemezo byo kurandura imi- zi y'amacakubiri muri bo. Buri Munyarwanda wese nasubize amaso inyuma, arebe byinshi by'ingenzi byyangijwe n'intambara n'ingaruka mbi zatewe n'iyo ntambara maze bibuke gukoresha ukuri nk'ako Abanyarwanda ubwabo bakunda kubyivugira bati "ukuri guca mu ziko ntigushye", nyamara ngo "ikinyoma qihaka umugabo imyaka ibiri".

... / ...

Abanyarwanda nibemera gukoresha ukuri, bagaharanira ubutsbera n'ubwiyunge batizigamye, bazabigeraho kandi bitume amahoro yongera kugaruka mu Rwanda, bityo nta mwanzi uzabamenesha ngo aze kubahungabanya mu gihe bazaba bishyize hamwe. Ubutegetsi bw'igihugu bukwiye kugira imikorere myiza ibereye buri Muturarwanda wese, buri Munyarwanda wese akumva ko afite uburenganzira busesuye bwo kuba mu gihugu cye, akumva ko arinzwe kandi ashayigikiwe. Abategekwa na bo bahe abategetsi babo icyubahiro kibakwiye, kandi bubahirize amabwiriza bahawe n'abategetsi. Mu gihe ari ngombwa ko itegeko iri n'iri ryubahirizwa, ntariренgeho ariko mu bushishozi. Ubutegetsi bukwiye kugenzura imikorere y'inzego zose, izidakora neza bakitabira kuziha amabwiriza azigenga. Abaturage bose bakwiye kureshgho imbere y'amategeko. Ubucamanza bukwiye gufata iya mbere mu gukemura ibibazo by'abaturage. Abakoze ibyaha byo guhohotera ikiremwamuntu nibaburanishwe kugira ngo bafatirwe ibyemezo n'ibihano bibakwiye, maze abarengana barenganurwe. Abakoze ibyo byaha na bo, nibemere bace bugufi basabe imbabazi, kandi bemere igihano bahawe. Ababuze ababo kubera ayo marorerwa, bakwiye guca inkoni izamba, bakibuka ko bari abaturanyi babo bumviye amabwiriza mabi, abenshi bagakora amahano yakojeje isoni kandi agasebya u Rwanda rwose, bigeza aho uwishe n'utarishe batakigira itandukanirizo mu mahanga bose bakitwa abicanyi.

Twese hamwe dukore iki? Banyarwanda, Banyarwandakazi, kugira ngo umuco nyarwanda wongere ugaruke mu gihugu cyacu, uranga mwene Kanyarwanda aho ari hose, asubizwe izina rye rya Gihanga, izina umwicanyi risibangane mu mahanga, amahoro n'ituze bitongore bishinge imizi mu mitima, dukwiye kwishyira hamwe, tugafata ingamba zihamye kugira ngo tubashe kugera ku bwiyunge nyakuri, maze twongere twubake urwa Gasabo. Rubyiruko, Rwanda rw'ejo, ni mwe duhanze amaso mu kubaka u Rwanda, u Rwanda rw'amahoro, ubumwe n'ubusabane mu bana b'Abanyarwanda. Mukomeze umurava! Amahoro aganze iwacu!

Murakoze, murakarama!

BIRAGUMA Tarisisi  
 URWUNGE RW'AMASHURI RWA BIGUGU  
 AGASANDUKU K'IPOSITA 59 BUTARE  
UMWAKA WA KANE W'INDIMI

MINISITERI Y'URUBYIRUKO, UMUCO  
 NO KWIGISHA IMYUGA ICIRIRITSE  
 AGASANDUKU K'IPOSITA 1044 KIGALI  
 TELEFONI : 8 35 27  
 FAGISI : (250) 8 35 18

UMUSHINGA: UBURERE MBONERAGIHUGU BUGAMIE KUZAHURA UBWIZERANE  
 N'UBWIYUNGE BW'ABANYARWANDA.

IRUSHANWA RYO KUVUGA NEZA  
 MU MASHURI YISUMBUYE.

INGINGO :

" ICYAKORWA KUGIRA NGO ABANYARWANDA  
BONGERE BABANE NEZA "

" ICYAKORWA KUGIRANGO ABANYARWANDA BONGERE BABANE NEZA "

=====

( Banyarwanda mwese muteraniye aha mbanje kubaramutsa !  
 Ubu duteraniye hano kugira ngo tuvugane ku ngingo igira iti  
 " ICYAKORWA KUGIRANGO ABANYARWANDA BONGERE BABANE NEZA ")

Uyu mwaka dutangiye ni uwa kane u Rwanda ruvuye mu marorerwa y'itsebatsema n'itsembabwoko, emarorerwa yatikije imbagya y'abanyarwanda b'inzirakarengane, muri Mata 1994. Ayo marorerwa yabaye asanga umubano w'abanyarwanda wari usanzwe uriro agatotsi, ariko noneho bihumira ku ishongo. Iyo ukurikiranye neza amavu n'amavuko y'umubano w'amakemwa hagati y'abanyarwanda ubwabo usanga atari ibya nonaha. Abanyarwanda ubwabo batangiye kubonekamo injiju-ke ndetse bamwe batangiye no kujya mu mahanga kwigayo, bitegereje uburyo mu bindibihugu by'Afurika bipakururaga ubwikanyize bw'abazungu. Nibwo rero bikusanije bungurana ibitekerezzo, maze biyemeza kuvuguru- ra u Rwanda rw'icyo gihe.

Barahirimbanye bashobora gusezerera babirigi bari bakandamije u Rwanda, no kuvugurura imitegekere y'igihugu bavugaga ko itagenderaga mu nzira ziboneye. Nuko ubutegetsi bw'abami bavaho butyo. Mu gukuraho ubutegetsi bw'abami, ntitwakwibagirwa imvururu zo mu 1959 zaranzwe n'ubugome n'amarorerwa y'agahomamunwa. Ibyo bikaba ari ibyagiriwe abari ku ngoma muri icyo gihe mu nzego zo hejuru n'iziciriritse, ndetse na rubanda giseseka kuko izo mvururu zaranzwe n'ivangura ry' amoko. Imbagya y'abanyarwanda yarishwe abandi bahunga bagana mu mahanga cyane cyane mu bihugu bikikije u Rwanda, abandi baguma kwihihahisha mu bihuru kugeza imvururu zihosheje maze babona kuza gusana amazu yabo yari yatwitswe andi yasenyewe. Icyo niceyo gikorwa cya mbere kigaragara cyazanye umubano w'amakemwa hagati mu banyarwanda.

Ingoma yakurikiye ubwigenge yabeshye ko igiye kuzana ubusabane mu banyarwanda no gucyura impunzi, ariko mu by'ukuri nta na gito yakoze kuri ibyo. Iyo ngoma yagaragaje uruhare runini mu gutuma amacakubiri akaza umurego. Mu 1973 ingoma ya kabiri nyuma y' ubwigenge iba igiyeho ivuga ko igiye gushaka byanze bikunze umuti w' ibibazo byari byananiwe gukemurwa n'abo bari bakuye. Muri ibyo bibazo hakazamo ku ikubitiro icy'ubusabane bw'abanyarwanda, gucyura impunzi no kugarura amahoro. Baranzwe n'amafuti bakora amahano karahava, mu duce tumwe nka za Rugogwe, Bugesera n'ahandi, ukumva ngo imbagya y' ubwoko bumwe yatikijwe. Mu gihe cy'ibyo amashyaka yaravutse ngo u Rwanda rugendere ku mitegekere y'amashyaka menshi. Amenshi muri ayo mashyaka ndetse cyane cyane iryari ku butegetsi nta kindi yikoreraga uretse gushyamiranya abanyarwanda.

.../...

Kubera ko icyo gihe mu Rwanda hari intambara, abanyarwanda bamwe batangiyé kwikomwa ngo aha ni ibyitso by'abarwanyaga ubutegetsi bw' icyo gihe. Kwita umunyarwanda mwene wanyu ngo ni umwanzi biba imvugo yaryoyeraga utunwa twa benshi. Abategetsi b'icyo gihe n'abandi bari bahagarariye amashyaka avuga rumwe r'iryari ku butegetsi bakomeje kubiba anacakubiri. Nyuma y'andi maheno y'ubugome burenze kamere bagiye bakora, umusaruro w'ibyo byose wabaye ririya tsembatsema n' imsebabwoko ryo muw'1994.

Tumaze kwibonera uko anacakubiri yavutse hagati mu banyarwanda, hanyuma rero icyakorwa kugira ngo abanyarwanda bongere babane neza gikubiye mu ngingo enye z'ingenzi zikurikira :

1° URUKUNDO NYARWO UMUNYARWANDA AGOMBA KUGIRIRA IGIHUGU CYE.

Ngo nta mwana n'umwe wanga umubyeyi we kerekwa usanzwe ari kabutindi, cyangwa se bikagaragara rimwe na rimwe biku-ruwe n'impamvu mbi zinyuranye. Umunyarwanda uwo ariwe wese yumva akunda igihugu cyamubyaye, ikibazo kikaba kurugirira urukundo nyarwo rw'ingirakamaro. Ikibabaza cyane ni uko n'abo barunda by'amafuti bi-<sup>lbu</sup> beshya ko barusha abandi bose kurukunda. Iyo urebye ibyazanye amacaku-  
biri mu banyarwanda usanga ahanini byaratewe n'abana barwo barukunze  
nabi. Abo bakaba hari mu bice bibiri :

- Abayobozi n'impirimbanyi mu by'imiyoborere y'igihugu.
- Rubanda giseseka.

Habaho umusore ukunda umwari urukundo rubi, nyamara we yumva yaramwirangirijemo. Agira atya akamushuka gukora icyaha maze umukobwa yaba umunyanutima akamubera ibamba. Nibwo nyamu-sore agira atya akamuhwikira kubwe yumva ko abitewe n'urukundo rwinshi. Umwari amara gusama iy'indaro maze ababonye wa musore bati " Ko ari wowe tuziho agakungu n'uriya mwari byagenze bite ?" Akabasubiza abyitarura ati " Ashwi da! Ntacyo mbiziho ! Nta ruhare mbifitemo ! Ahari wenda arwaye urushwima !" Nguko uko abayobozi b'igihugu n'impirimbanyi mu by'imiyoborere y'igihugu bo hambere boretsa uru Rwanda imivu y' amaraso igatenba, bibwira ko ari ugukunda igihugu cyabo bashaka umuti w'ibibazo byari bicyugarije. Maze hagira amahanga amwe abaza ati " Ibyo hibera mu Rwanda ni ibiki ?" Bakigurutsa bati ni abanyarwanda ubwabo bisubiraniramo kandi aribo ubwabo babibakwijemo bamaze kubi-tegura bakanabiha~~garikira~~.

Kugira ngo abanyarwanda bongere babane neza buri wese yagombye kwirinda gushukwa. Agashungura imvugo zose ba-mwongorera hahandi mu rwihihisho, ngo genda usenye hariya, wice nyanaka udutize umurindi uzabona inyungu izi n'izi. Abo bagome bakwereka ngo uriya ntimumuje ubwoko mwivugane bakubwira ko berekeza igihugu ahagana he ? Bazi ko bakorera u Rwanda neza baruganisha aho bifuza, ubwo ngo ni ukurukunda !? Umunyarwanda wese nagire inyota yo kubona

.../...

abanyarwanda basendereye ubusabane. Abanyamahanga ntibazongere gushikira u Rwanda rw'ibirunga bifite ingagi z'imbonerajisho, rw'imisozi igihumbi y'ubusumbane busobetse ubwiza n'ibindi byinshi byerekana uburanga bw'u Rwanda. Ahubwo bazaze baje kureba abanyarwanda buje urukundo n'ubwumvikane. Bazaturebe twanye gushirwa amaroro. Ngicyo icyo umunyarwanda wese akwiye guharanira kugira ngo ubusabane bugaruke mu banyarwanda.

2° UBUTABERA N'UBWIYUNGE BW'ABANYARWANDA.

Kugira ngo abanyarwanda bongere babane neza niko ubutabera bwahabwa intebi iboneye bugashinga imizi mu Rwanda. Nta munyarwanda n'unwe utabona ko aho u Rwanda rutangiriye imanza z'abakoze itsembatsema n'itsembabwoko hari ikintu cyahindutse ku buryo bugaragara rwose. Imitima y'abanyarwanda itangiye gutururukwa kuko abarengana barenganurwa, **abanyamakosa** nabo bagahanwa. Abangije baka nasahura iby'abandi babiryozwe ndetse abishe bagerekeho n'impozama- rira, zihabwe abo bakoreye ayo mahano aho ubwo ni abarokotse. Arikorira, ibyo bikorwe batiyibagije ko **hazi** umuryango wa nyir'uguhana, umugore na naka nibo batumye nandavura aka kageni !" Maze bwa bwumvikane twashakaga kugeraho tunyuze mu butabera bikazana ijisho ribi ndetse n'inzigo bishobora no kudukururira akandi kaga.

Hari imanza zaburanishijwe uburiganya n'igitugu mu Rwanda rw'ejo hashize. Birababaje cyane ko uwashuye u Rwanda atibagiwe n'unutungo w'inyandiko, izatwitswe ari n'izanyagiwe n'invura bamaze gusenya amazu amwe n'anwe y'ubutegetsi. Kugira ngo abanyarwanda bongere basabane neza ni uko izo manza zasubirwamo. Icyubahiro cy'umunyacyaha kigacyahwa. Kera uwitwaga ko akomeye mu gihugu gutsi- ndwa na rubanda rugufi yanyaze utwabo cyangwa se yahohoteye ku bundi buryo kwari ukumwandavuza bikabije, kwerekana ko yigiye ubusa. Ibyo byatuma abidegembya ndetse bakaba banashingwa imirimo imwe n' imwe y'ighugu bitwaza ko batagize uruhare mu marorerwa yagwiririye uru Rwanda, nyamara na kare kose baragiraga amafuti yo kurenganya rubanda bakurikiranwa maze bagahanwa. Umuco wo kudahana ucike mu gihugu cyacu dore ko wari warahaciye indaro.

Kugira insakazamajwi n'ibinyamakuru byigenga mu gihugu cyacu nayo ni amajyambere. Arikoriba kuba byatanya abo bibereye- ho aribo banyarwanda ntacyo byaba bimaze. Ubutabera bukwiriye Guhoza amarenga yo gusubiranishamo abanyarwanda nk'uko byagaragaye hambere aha.

Ubwiyunge bukwiye gutozwa abanyarwanda kandi ntihagire ugira ikimwaro cy'uko uwo bagirana isano yakoze amahano. Ibyo ni akazi ke agomba kubihanirwa nta muntu uzira icyaha cy'undi. Abantu ntibashyamirane ngo bafatane mu majosi bapfa umunyarwanda w'ununyacyaha urimo agikurikiranwaho cyangwa se ugishakishwa. Gahunda zo guhugurira abantu mu nzego zose iby'ubwiyunge zikwiye gutegurwa, abagomeye abandi bakabasaba imbabazi. Munyarwanda w'inyangamugayo aho uri hose uba ugombye kwegera abashyamiranye ukabagira inama zibabera itara ryeyura icyo gihu cy'umwijima kibuditse imbere yabo.

Ubwato buhetse u Rwanda buratsimbuwe unwerekeza ateye umugongo ibi bihe bibi by'amasiNogo n'ubushyamirane. Dore ubwato buravumera buri munyarwanda wese **afate** ingashyi tugashye tugana ku itsikiro, bwa busabane hagati yacu. Ubwato burava amakuba atwugarije ni menshi nta n'unwe wo kubura umumaro, n'udashoboye ingashyi **abuvome** ayø mazi yenda gutuma buzikama. Ubwiyunge bwacu abanyarwanda nibwo buzakura iki gihugu cyacu mu manga ikobanye cyahirikiwemo n'abibeshya ga kugikunda.

.../...

Ubwiyunge bwacu buzahutera inzangano zari zikwije imitima yacu dusabane nk'uko byahoze.

3° GUSENDEREZA AMAHORO MU MITIMA Y'ABANYARWANDA

Urugamba rwarahoshejwe abanyarwanda bakizwa amasasu, bakizwa impiri, amacumu n'inkota byari bimaze gutikiza benshi muribo b'inzirakarengane. N'ubwo haba igihe agatokozi gato kazamo inkorashyano zakoze amaraso zikagaruka guhungabanya umutekano. Ariko ingabo z'u Rwanda zihaba maso maze bakese batahasize agatwe bangera bakarorongotana.

Hari benshi bakeneye kuvurwa agahinda, kuba umuntu yashobora kumwenyura ntibivuga ko amahoro yamusaze ! Umunyarwanda yaravuze ati " Ameno ni amabuye aseka asize intimba mu nda." Nta busabane dushobora kuzageraho tukrimo abaraza imitima iswa baremerewe n'ibibazo byabuze gikemurwa kandi banabitewe n'abanyarwanda bene wabo. Barimo ba bapfakazi bipfumbase abo bari barashakanye barahitanywe n'abanyarwanda b'umugayo, ababyeyi barahinduwe inshike na ziriya mfubyi zirorongotana imisozi zarabuze ababyeyi bazo ndetse n'abandi bose basizwe iheruheru n'intambara. Bamwe muribo barasumbirizwa bikabatera kwiyandarika cyangwa se ugasanga abana bato basoma amatabi agahinda k'iminsi kamaze kubasabika.

Bariya bana bandagaye kubera ko ~~kwakki~~ bavukijwe ababyeyi babo n'imitungo y'iwabo igasesagurwa. Ubu bariho batanariho! None se ubu Imana nibafasha bakabaho, banaze gukura wabahingutsaho ute ibyo kubana neza n'umunyarwanda watumye barohama muri buriya buzima? Ariko rero niba ubu bafashwe bakitabwaho ntibazibagirwa ibya bagwiririye ariko intimba izagabanuka mu mitima yabo. Nibwo bazumva ko ababakoreye ibya mfura mbi ari abanyarwanda cito bagomba kubiha nirwa, naho bo rero bakaba bagomba kubana neza n'abanyarwanda nyabo babagaragariza impuhwe n'urugwiro. Si abo bana gusa bo kwitabwaho hari n'abandi bafite ababyeyi bombi bakoze amahano none ubu bakaba bafunze bose. Abo nabo bari mu buzima bubi kandi nta cyaha bafite. Abanyarwanda b'inyangamugayo batozwe urukundo kugeza ubwo ntawe uzaba akishisha undi. Ingo zitazimye neza zigerageze kwisubiranya n'ubwo zitagira isura nk'iyio zahoranye, ariko ngo " Ahari ubuhoro Umuhoro urogosha ". Urukundo n'ubwizerane bimaze kudusakaramo bariya bapfakazi bazabona abo bashumbushanya. Ubusabane buzagerwaho habaye ubufatanye n'ubwuzuzanye.

Biriya bimuga bigenda bikururuka, ziriya mpumyi biriya bipfamatwi, abapfakazi n'imfubyi abo bose bagiriwe nabi na bagenzi babo b'abanyarwanda cyangwa se n'ingaruka z'intambara ubwayo nibarengerwe bitabweho. Bariya bose basenyewe bakanasahurwa bagombye kubona imitungo yabo. Buri munyarwanda atumzwe areke gusembera niba untwaye imyugariro ngasigara nugariza ibiganza, nanje sinahwe kugukanurira irihinguranya. Nibura se koko amasambu yose abe age- ngwa n'ighugu atari umuntu ku gitit cye, maze ikibazo cy'amasambu cyari gihangayikishije iki gihugu kigabanuke. Abantu nibatuzwa hamwe mu midugudu n'ubwo bizatuma amajyambere abageraho ku buryo bworoheje, ariko bizatuma bashyira hamwe kandi binenyemo abagome bashaka uburyo basubiza iki gihugu mu bibi cyakuwemo cyangwa se badindiza ubusabane bw'abanyarwanda. Biragagara kenshi ko mu Rwanda rw'ejo hashize hari abakatiwe ibikingi bigakingiriza rubanda giseseka inyungu zidasobanutse. Barya babaye urwitwazo ibikingi nk'ibyo bitangwa, baka ba aribo birirwa babitaganura bagererwa imbehe y'intica ntikize. Si amasambu gusa ashobora no kuba anazu, imishinga n'inguzanyo z' amafanga abarika yatangwaga yitwa inguzanyo nyuma bigafifikwa akitwa inkunga. Abo batunze ibya rubanda nyanwinshi cyangwa se ibya bagenzi babo mu buryo bw'amayeri babinyagwe bigenzwe uko bikwiye kugenzwa. Abanyarwanda bazagarura ubusabane niba ibyabo bicunzwe neza ntihagire urengwa mu byo yahuguje abandi bahondohera. Ubwangati cyangwa se impishyi bya bamwe bigire abandi bifata mu nda. Umunyarwanda atunge atuje atikanga abaza kumuhungabanya. Ubwumvikane buzatu- . . . / . . .

garukira umunyarwanda natura adakebaguza mugenzi we ushobora kumugarira amarorerwa. Kuko kugoyagurikira ku itaka ry'i Rwanda kandi girira umutunga na mugenzi wawe musangiyi ubwenegihugu, viyumvamo ko uhahirizwa na mugenzi wawe bushingiyi chubwo ubufite by'izina gusa, ntaho ubunyarwanda bwave bushingiyi chubwo ubufite by'izina gusa, bigatuma wanakwibwira ko iby'i Rwanda bitakureba. Wibwira ko gushaka ubwumvikane bizakorwa n'abo ubona bagusumbije amahoro n'imibereho myiza kandi ari umurimo wa buri wese.

Buri munyarwanda ahabwe umurimo akamaho ikimutunga. Nagirajicyo akora ntazirirwa mu tubari anwenyamwenya yabuze n'amafaranga yo kunywera, yikinira amacenga n'abashinzwe umutekano. Bene nk'aho nibwo ajya mu matwi ya mugenzi we ati " Wa! wa ! wa ! Nyanaka impamvu abayeho kuriya ni ukubera..." n'ibindi byinshi. Abayongorera amafuti yo gushyamiranya, amatiku akirema ari aho afite icyicaro, ni aho uduco tw'amabandi twiremera. Inzoga bayita gahuza-miryango ariko rero ntiyayihuza ibyunweru bingahé ababaya ba jya ku mirimo ngo bazagire icyo bageza ku gihugu. Ubusabane buzaza bigaragaye ko buri muntu yitaweho. Abatabonewe imirimo bakangurirwe gushinga amashyirahamwe ashingiyi ku myuga inyuranye igaragara mu gihugu, kugira ngo baterwe inkunga maze mu nyungu z'ibikorwa byayo bakuremo ikibatunga.

4° KWIMAKAZA UMUCO GAKONDO NO GUHUGURIRWA KUBANA NEZA

Uko iminsi igenda ibisanya, niko umuco gakondo wacu ugenda ukendera, twihazamo iby'uruzungu. Nabyo si bibi kuzana amajyambere ariko se kandi dusonere umuco wacu! Niba tugira tuti " Icyakorwa kugira ngo abanyarwanda bongere babane neza," uhita wu-mva ko hari iyihe higeze kubana neza. Ni cya gihe rero cy'abasokuru bacu. Babishobozwaga n'iki ? N'uko bubahaga kandi bakagendera ku muco wabo. Twiturira mu Rwanda rwa " Kirasira " n'ubwo byaba ari ugusubira inyuma, nyamaraga ntacyo byishe niba byadutera ubusabane. Tukiberaho muri kirazira kurya inshuti, kuba intati, kugambanira ighugu no gukora ibindi byinshi bibi, ariko ntitubeho muri kirazira kurya ihene uri umugore ngo utamera ubwanwa ! Bityo tuzongere kumva akano ka nijoro ari uko ari igisimba gisariye rubanda. Nyir'ibyago kandi nahuruza, ntavunirwe impuruza na Nyiranubande chururirwe na bose maze kwa kwimika umuco kugaragarire aho.

Ngo" inkovu icitse irushya abavuzi " ubwenge bwo gukunda ighugu n'abagituye ndetse n'ibikorwa bikbonekamo bukwiye gutozwa abanyarwanda. Kuko byagaragaye cyane ko hari abanyarwanda birukankira za kaminuza, bagataruka amahanga ngo basumbe intiti, nyamara bakiri abatindi b' umutima.

Kera abanyarwanda baranywanaga bagaca ku nda ubwo bakaba bagiranye ighihamo cyo kutazahemukirana. Ubu ntitubasha kunywana kuko ari umwanda wadukururira ibirwara, ababikoraga bari batarajiju. Aho kwirirwa mu mazu n'ibigo by'ubushakashatsi uvumbura ibishobora kwicagurha nabi n'abadashyize hamwe, wabanje ukavumbura uburyo bushya abanyarwanda bashobora kongera kunywana ? Igihe kira-geze ngo abanyarwanda basobanukirwe ko ibyo Ruzungu yatzanyemo byo kuvuga ngo ubwoko ubu bwaturutse muri iki gihugu, ubu nabwo buturuka muri iki, icyo ari ikinyoma kibi cyane. N'ikimenyimenyi kuva mu matoro, maze nibucya wibere agatama kandi uri kasha, kavuro gake. Dore uri umunyagwa, kabutindi, ubugome uburusha kure uwo ukoshya.

Dushyire hamwe turwanye uwagerageza kudusho-ramo amacakubiri. Duhamer na kera kose nta munyarwanda w'injuragire w'agacurama utagira aho abarizwa ! Umwanzi aze agushuke wice mugenzi wawe ukingirijwe n'urwijiji rw' ijoro, maze nibucya wibere agatama kandi uri kasha, kavuro gake. Dore uri umunyagwa, kabutindi, ubugome uburusha kure uwo ukoshya.

.../...

Kuko aho kubana na Bihehe mu nzu wibwira ko ubana n'umuntu, wayicungira mu bihuru by'inyuma y'urugo ukahagenda uri menge, ukahanyura-na amakenga. Ubusabane busagambe, inkera zongere zibeho nka kera. Abagabo bahige ibyiza bakoze bitume n'iki<sup>g</sup>wari cyigaya maze kijye gukora iyo bwabaga. Umunyarwanda yaragira ati " Nishe abanzi b'igihugu aba n'aba, natesheje imbwa yambuye umuhashyi, nasembereje imbagya yari igwiriwe n'amakuba mugikari cyanjye, n'ibindi". Agakomerwa mu mashyi. Maze turebe ko hari uzihandagaza mu nkera nk'ijo ati " Nishe abanyarwanda aba n'aba b'inzirakarengane!".

Umuco w'amahanga nawo tuwinjize mu wacu ariko n'uwa gakondo tutawutabye. Aho kubaka amazu bararamo babyina indirimbo z'inzungu, birongobeka ibyotsi maze aho hakaba hakurukiramo n'ubwomanzi, tureme inkera tuvuga ku muco gakondo. Duterekere ba sogokuru bari intwari basabana bizarira amakemwa, bazira intonganya, ubugome n'inda nini. Tubaterekere tubatekereza, twoye kubasaba amahoro ubutoni urubyaro n'ubutunzi nk'uko benshi ukwemera kwacu kutabidushoboza. Niba tutagomba kwibagirwa amarorererwa yagwiririye uru Rwanda kugira ngo hatazagira n'urota yongera kuyatugushamo, gutaramira hamwe twibuka ba sogokuru twimika umuco gakondo mu buzima bwa buri munsi byatuma twifuza kuba intwari nkabo. Urubyiruko rwo ku murenge uyu n'uyu rugataramira hamwe bakitereka urwegwa, anarwa, ibigage n'imitobe amajoro bagata hanze. Ibyo bigakorwa mu mijyi ndetse no mu byaro. Abatura ibishyito mu nkera bakabereka cho bikinjika, bagashyirwayo ndetse bakigira no mu nzozi. Bakirotera u Rwanda rw'umucyo ushashagirana, kw'amahoro ahimbaje ruta-ri urw'amacakubiri; twese dushyize hamwe amatiku n'ubwumvikane buke tubikanira mu byoko byabyo, tubikanije umurunga w'inyabumwe nyarwanda. Muri izo nkera niho urubyiruko ruzagayira abababanjirije bagatanya abanyarwanda, ruhiganirwe kugarura umubano nyawo hagati y'abanyarwanda.

Kugira ngo abanyarwanda bongere babane neza ni uko amahugurwa yabaho ku mirenge no mu ngo hakaba abakangurambaga binjirayo gukwirakwiza ubusabane bw'abanyarwanda. Hagashyirwaho ghunda z'ayo mahugurwa mu mashuri, mu nsengero no mu bindi bigo biteraniyemo abantu benshi. Aha ndibuka umusaza utaravaga imuhira ndetse no kujya gufata indangamuntu yaragiye banuhetse mu ngobyi, wangani-riye maze nkihishurira uko hari abanyarwanda gito bagenda baktwira kwiza ibigambo biteranya. Hari urukingo rw'iserywari rwahawe u Rwanda ho imfashanyo maze abana bo mu mashuri abanza bakagomba kuzihabwa bose. Namabajije impamu atcherejeyo utwuzukuru twe babanaga, ansubiza ko n'ubwo izo nkingo zose ari iz'iseru ngo zaba zibitse ukubiri. Bakamenya aho bakura urugenewe umwana bitewe n'akamenyetso bahawe ngo n'uwagombaga kuba azi abana b'ako gace n'amoko yabo acungiye bugufi aho ngaho. Ngo hakaba abagombaga gutterwa izizatuma batazanabyara, byaba aribyo byatumye atoherezayo utwuzukuru twe yahamyaga ko tutari kubura muri abo bari bugomerwe. Mubajije aho **yabikuje**, yansubije ati " Nabibwiwe n'umunyarwanda w'umugiraneza !" Uriya musaza yashutswe n'umunyarwanda uciye akenge byumvikane, kuko ariwe wari kumenya amakuru y'inkingo zizatangwa, maze agatangira gukwirakwiza ibigambo nk'ibyo bidafite ishingiro byo gutteranya abanyarwanda bitewe n'inyungu yari abifitemo. Nta cyatera agahinda nk'uko ubwo aho kuri uwo murenge yaba ariwe mpuguke ihaboneka.

Ko uwo musaza yashutswe atyo, abana n'utwuzukuru twe natwo yatekeyemo uwo mwijima, ko habaye n'inama ihugura abaturage atayitabira ku bw'intege nke ? Buriya rwose azahumuka ate ? Namara kwitarura abuzukuru be bazajya bibwira bati " Dufite ibanga sogokuru yadusigiyé ! " Nibubaka ingo bakabyara bati " Ni uko sogokuru yabaye menge ! " None se ubwo ni gute bazagira umubano uhameye n'abanyarwanda bari kuba aribo babyara bonyine mu gihugu ? Uwahumye aba yahunye iyo atabonye umuhugura ubwo ntazibuka no guhinyuza ngo arebe niba abo yakekeraga kuyoba bajya gufata urukingo baba mu by'ukuri koko batarabyaye.

bigisha ijambo ry'Imana n'ibitabo byabo mu maha. Bakagera na hahandi twita mu kitumva ingoma ! Hariho abagifite imitima itamirijwe ya matiku bigishijwe, bakeneye urumuri !

Buri munyarwanda nakunda igihugu cye urukundo nyarwo, bizatuma ubutabera butugeza ku bwiyunge buhamye. Abanya-byaha nibahanwa, abanyarwanda tugashobora kwiyunga, hazaba hasi-gaye gusenderezwa amahoro. Niho tuzaboneraho kwimakaza umuco gakondo, duhugurirwe ubusabane ku buryo bwose bushoboka, maze twongere tubane nk'abanyarwanda ba mbere y'amacakubiri.

( Harakabaho inyangamugayo, intwari zakotanye igihe kirekire kugira ngo buri munyarwanda wese nta vangura abonwemo ubumuntu.

Harakabaho ingabo z'igihugu zarokoye imbagya y'abanyarwanda yari yugarijwe n'ibyago by'agahomamunwa. Harakabaho abayobozi b'igihugu cyacu, bakomeza gushakisha uburyo ubusabane bwagaruka mu banyarwanda.

Barakagwira Abanyarwanda bose bafite inyota yo kugarura ubwumvikane, umubano uzira agatotsi hagati yabo.

Murakoze      Murakarama ! )

---

1/8/97

7

I R U S H A N W A R Y O K U V U G A N E Z A

INTERURO : Icyakorwa kugira ngo abanyarwanda bongere babane neza.

UMWANDITSI : S E M I V U M B I Daniel  
Groupe Scolaire Notre Dame d'Afrique de Nyundo  
B.P. 176 GISENYI.

ICYAKORWA KUGIRANGO ABANYARWANDA BONGERE BABANE NEZA

Ubushubane, urukunde, ubwumvane n'ubwumvikane nibyo byarangaga ba segekuru na ba sogekuruza bacu mu Rwanda rwe hambere; abanyarwanda barahuraga bagasabana bagsabana amazi n'umurire, bagahana amahore n'abageni, bagatahiriza umugezi umwe nta kugerana, bakagura igihugu, bakimura inkiko, bakazira itiku n'intugunda n'ushatse ibye kubishera agashyirwa ku Karubanda ! Ahe umuzungu aziye rero ati "Aba banyarwanda ntabateye gutatana ngo mbacemwe icyuhe bacikemo ibice ntacyo nacyura !" Nibwe arebye bamwe ati "Mwogacwa mwe muraryamirwa kandi mukaryamirwa n'abatari kavukire, biviriye imahanga baje kubaryana ibyanyu !" Ubwo nabo bati "Burya umuzungu avuga ibye yapimye nta kabuza ni bye !"

nta kabuza ni bye!"  
Ngayo amatiku Gatuku yazanye i Rwanda akabyara inzangane zatumye  
abibwiraga ko baryamirwa baryoje ubusa abavandimwe barabahohotera amahore ahinduka  
amahane, umunyarwanda ata agacire icumbi rye riba ishyanga. Akababare ka bamwe kaba-  
ye ibyishime n'ibigwi by'abandi; Gatuku asubiye iwabo Rwanda yibera igikoreshe cy'u-  
butegetsi bubi bwaranzwe n'igitugu bugatoteza abere bugaheza imahanga abanyagihugu  
bazira amahane. Ubwo butegetsi bw'agatsinuze bwatsembye ukuri bukomeretsa imitsi y'a-  
be bushinzwe kurengera, bubabibamwe **ibibi**, bibabera umusarure udateze kuzibagirana na-  
rimwe mu mateka y'u Rwanda ariwo TSEMBABWOKO N'ITSEMBATSEMBA. Nibwo abakomeje gutete-  
zwa nta tiku batewe bagateterezwa bakicwa, abagabo b'ibikwerere, abagore b'ibishonge-  
re, abakecuru, abasaza, abasore, inkumi ndetse n'urucanda bose bahigwa bunyamaswa ibi-  
ntu biradegera.

Ibyo byese byakozwe n'abanyarwanda kandi bikererwa abanyarwanda bose  
ari abavandimwe. Dukore iki se ko ayo mahano yabaye nk'acukura umuferege muremure cyane  
utandukanya abanyarwanda? Dukore iki kugirango icyuho kizibwe maze uwiciwe asabane n'u-  
wa mwiciye amacakubiri acibwe mu barutuye?

Inzege zese z'ubuyebezi ni zihaguruke zikangurire abanyarwanda b'ingeri zose gushakira hamwe icyatuma amahoro, ubwumvane n'ineza byongera kuranga urwanda. Buri munyarwanda uwo ariwe wese urwego arimo urwo ari rwo rwose arebwa n'iki kibazo. Turebe nonehe icye buri rwego rw'ubuyobezi, buri munyarwanda cyangwa umunyamahanga ukunda u Rwanda bakora kugirango abarutuye bongere babane neza.

## UBUCAMANZA

UBUCAMANZA

Ubusanzwe mu muce wa kinyarwanda, iyo umuturanyi yakeserezaga mugenzi we akamutoteza akamuhinda amuziza akamama, umuryange warabahuzaga bigahera mu gisenge; bananirana ubwo gacaca ikicara ikabiceca igaca inkoni izamba, uwakosheje agacibwa agacuma maze uwakesherejwe agacururuka, ituze rigatura umuryango ukazira induru itimwe rikagenta nka NYOMBERI ! Nene se ko umunyarwanda yendereje undi, ya gacaca nkuru y'u Rwanda ( UBUCAMANZA ) yahannye uwahohoteye mugenzi we, igahumuriza uwahohotewe, inzangano n'inzigo bitarafata icyicare mu mitima y'abanyarwanda ?

n'inzigo bitarafata icyicaro mu mitima y'abanyarwanda. Ubucamanza butabera bufite ijambo mu kazi kabwo ni inzira izira inzitane mu bwiyunge bw'abanyarwanda. Niburwanye bushyizeho umwete wa muco woretse igihugu we kudahana, nibwe amafuti azabura umwanya mu mubano mwiza twifuriza abanyarwanda. Nibufate abacyidegembya barirabye amaraso y'urubyaro rw'uru Rwanda, maze aho gukomeretsa inkovu z'abacitse ku icumu ry'aye mahano, ibihano bihabwe ibyo byihebe byahahamuye igihugu. Birababaje rwose kubona amaso ku mase uwaguhemukiye akaguhekura agahitana ibywae adahabwa ibihano cyangwa ngo aze agusabe imbabazi ! Amahore azahinda ate se ko ahubwe aho guhana MWARAMUTSE isanzwe ihuza abanyarwanda, ari uguhura ukagira intimba watekereza ku mahano ibyo guhora bikava aho.

Ubucamanza ni bukore iye bwabaga aho guca intege abo bushinzwe kurengera, buce imanza zitabera, nibwo ubwishi shanye mu banyarwanda buzabura icyicaro. Burya rere ubucamanza bubi buri mu byoretse u Rwanda, niyo mpamvu aribwo mizero yambere mu guha isura nyaye u Rwanda rwahoranye, buhana by'intangarugero bikaba n'urwitegererero kubashobora kugira amakosa intego. Nibushishoze mu gushakisha abashenjaguye imitima y'abanyarwanda, abari mu maboke yabwo baciswe imanza, abagaragayeho ubudakemwa barekurwe basange ababo, nibwo intimba izava mu mitima y'abanyarwanda maze bature batuje batunge kandi batunganirwe. Ngurwe uruhare rw'ubucamanza mu bwiyunge bw'abanyarwanda bakoreranye ibi-bi kandi ari abavandimwe.

UBUTEGETSI BW'IGIHUGU

Uwitwa umuyobozi wese, arebwa ku buryo bw'umwi hariko n'iki kibaze, kuva kuri Nyumbakumi kugeza kuri Perezida wa Repubulika. Abayobozi babi nibo bayobeje abaturage babaroha mu ibehere ry'inzangano n'amatiku bitera abantu guta umurongo bikaba byarabaye intandare y'ubwicanyi ndendakoko.

Muyobozi rero haguruka uharure akayira ubwiyunge bugomba gucamo amahoro ahinde i Rwigasabo urwanya byimazeyo abigira NTITUBIRIMO na ba NTIBITUREBA bitwaje impamvu izo arize zose. Nibarwanywe bareke gushinyagurira abashengurwa n'agahinda ko kuba-he nk'ibishinga barahozu bashengererwa n'ababo. Ubutegetsi bw'igihugu bwe bushakira abaturage abayobozi bamwe na bamwe, niburebe niba uwo umuyobozi adashobora kuba imbarutse y'ubwishi shanye mu baye borwa. Mbere yo kugira runaka Perezida, Burugumesitiri cyangwa Konseye n'abandi, nihabanze harebwe niba koko uwo muntu afite ibitekerezo byubaka, niba ashobera kugira uruhare mu bwiyunge bw'abanyarwanda ababanisha aho kubaryanisha abashumurizanya kandi ari abavandimwe.

Ntibihwitse rwese gufata iyambere mu gutambamira ubwiyunge uri umuyobozi uha ibinyoma, ivangura, ikimenyane na ruswa intebi, kandi ari byo byatubyariye ITSEMBABWOKO N'ITSEMBATSEMBA.

Abayobozi babi basonga abasumbirijwe bakabura uko bigira, ntabo igihu-gikeneye; hakenewe ahubwo abahuza kandi bagahumuriza abanyagihugu babafasha kungurana ibitekerezo ntabyo gaterana amagambo, bagafasha abakoshejwe n'abakosherejwe bakiyunga amahoro agahinda.

Ubutegetsi bw'igihugu nibuhaguruke nibiba ngombwa bwitabaze n'inschuti z'amahanga, maze ikibazo cy'abatagira uko bigira gikemuke bumve ko bafite uburenganzira; maze agahinda n'intimba bigabamuke, uukubabarirana kubone inzira gucamo kudategwa. Burya rero iye utubaze tw'ibanze nk'utwinda, imyambaro, agasabune, ... tugabamutse, nibwo umuntu abona gutekereza ku bindi. None se umuntu azaburara kabiri, gatatu yarahoze asagurira amasoko, abure gutekereza ku wamusubije ku mukanda?

Iye nzara ivanzo n'ibibazo se izashira ryari ko nta wundi yatura ibibazo bye?

Ubwiyunge buzaca he n'iye nzira y'inzitane iri imbere yabwo?

Rwose abo bantu nibafashwe ibyo bimuga, izo mfubyi n'abo bapfakazi b'ibyabaye muri uru Rwanda bateze imbere mu mahoro urwo batuye.

Ubutegetsi bw'igihugu nibufashe ubucamanza kurangiza akazi kabwo, bushaka abacamanza batabera benshi kandi bahugukiwe n'akazi kabo.

Amahugurwa aheraho nabahabwe maze babone ubuhuza abahemukiranye; na ba Ruharwa ubu bari mu mahanga ya hafi cyangwa ya kure, bakurweyo nabo baryozwe ibibi bakoreye abanyarwanda Muyobozi aho uri hose kangurira abo ushinzwe ko nta we uzava mu mahanga ngo aje kubunga; aho guhungana no kumungana nibahure bavuge ku byabateza imbere mu mahoro n'ubusabane. Ibyo byose abayobozi nibabigeraha, nta kabuza ubwiyunge nta nkomyi buteze guhura nayo; bizaba intambwe irambuye mu mahoro asesuye twifuriza urw' " IMISOZI IGIHUMBI "

UMUTURAGE

Wowe muturarwanda ukunda u Rwanda cyane cyane wowe wabonye cyangwa ukumva ibyo igihugu cyawe cyakorewe n'abadashyira mu gaciro, urebwa cyane n'ibikorwa bihuza kandi bikabanisha abanyarwanda, bigamije ubutishishanye n'amahoro twifuriza u Rwanda n'abarwe. Twese uko dutuye u Rwanda, n'abarukunda batarutuye, duterwe ubugabo no kurwubaka ahe kurugaba tubana nk'abibana. Turebe icyo buri wese urwego arimo rwese ( icyo akora cyose), yakora kugira nge abanyarwanda bongere babane neza.

ABAFITE UBUWENGE CYANGWA INYIGISHO BAGEZA KU BANDI

Uru rwego ni rumwe mu nzego zirebwa ku buryo bugaragara n'ikibaze cyo kubanisha abanyarwanda. Tugiye kwibanda cyane ku barimu, abanyamakuru, abahanzi n'abanyamadini.

ABARIMU

Urwege arimo urwe arirwo rwose afite abo yigisha iby'ubwenge kandi agomba guha uburere rusange. Birumvikana rero ko agomba kwirinda kuyobya iyo mbaga igamije kugenza ubujiji, ahubwe ke agomba kuyiyobera ayirinda icyayitera kutumvikana ubwaye. Umwarimu nakangurire abanyeshuri umuice we gusaba imbabazi no kuzitanga k'uzisabwe, bakangurire kubana mu rukunde bagire ipfunde mu bupfura bakesha uwe murezi. Nagire igihe cyo kuganira n'abanyeshuri be, ntibahere mu masomo gusa, ahubwo bavuge no ku mubano w'abanyarwanda, ikindi kandi yirinde umutima w'ivangura ryaba rishingiye ku bitsina, amoko, amadini cyangwa ibindi. Yirinde kurengera bamwe, arengura abandi. Abanyeshuri bacosheje mu ishuri bakosorwe, bizabateza kwitaza amakosa mu buzima bwe hanze. Murezi kirezi kizira imberekira, zirikana kubo u Rwanda rutezeho akazaza bazire inzangano, inzige zibure icyicaro mu mitima yabo.

UMUHANZI

Iyo mpano wahawe na Rugira reka kuyigira inkota yica ushumuriza abantu abandi, nk'uke byagaragaye mu bihe amahano yahabwaga intebi i Rwagasabo: mu mivugo ivugitse gihanga ariko yuzuyemo amatiku atanya abo jbwirwa, mu ndirimbo zisenya zigasingiza abi-siga amarase y'abaziranenge ... Inganzo yawe yigire isoko y'ubwiyunge bw'abanyarwanda, ivubure amazi y'urusare asabagize urukundo mu barutuye. Himbarwa uhimba indirimbo zidasebanya ahubwe zisebya abasize u Rwanda mu kangaratete hato hatagira n'ubigira intego; imivugo ivuge ku byabaye ikangurire abaturage gusaba no guhana imbabazi; ayo makinamico yigishe kugiraneza no kubana neza; ibyo byose nibigerwaho, inkunga yiyo nganzo izaba ibaye MUTAGERERANWA.

UMUNYEDINI

Nawe rwese kora iyo bwabaga uharanire icyaguhuza na mugenzi wawe mutavuga rumwe, bitewe n'impamu izo arizo zose. Inshingane yawe yo gukangurire abantu kubana mu rukundo, nishinge imizi ntihere mu magambo; urukundo rwogere mu mbaga ya nyagasani. Ubusanzwe idini ni ihurire ry'abantu badahuje uturere, ubwoko, ibitsina, ... ariko bahuje ukwemera. Birumvikana rero ko ababwirizabutumwa nk'abapasitoro, abapadiri, ... bafite umurimo ukomeye wo guhuriza abo bantu bese mu kwemera kumwe. Ngaho ni bakangurire abo bayoboke babo ko inzangano zisenya aho kubaka. Babakangurire ko abakoze ibyaha bagomba kwihana, bagasaba Imana n'Itorero barimo imbabazi z'ibyo bakoze, ndetse bakazisaba by'umwihariko abo babikoreye kugira nge biyunge babane neza ubuzira herezo.

Nibamamaze ubutumwa bw'Imana ariko na none bamagane bagenzi babo baramaje mu kumara abanyarwanda, bakica batsigatiye Bibiliya, bagakorera ibidakorwa mu ngoro ya Nyagasani. Rwose wowe munyedini witinya no gutunga agatoki abashaka kwitiza isura y'idini kandi baba bahuma amaso rubanda ngo itamenya cyangwa itibuka ibyo bakoreye igihugu cyababyaye. Mu sengesho ryawe sabira u Rwanda n'abanyarwanda, amahoro yuje ituze abasange, bazasangirire ku isahani imwe aho kwa NYIRIBIREMWA .

UMUNYAMAKURU

Ubundi itangazamakuru ribi ryoreka igihugu rigateranya abaturage bagata umutima w'umutuzo bagatora uwo gutemama. Igihe tugezemo rero ni icyo kurwanya itangazamakuru nk'iryo. Umunyamakuru uwo ari we wese yaba akora kuri Radiyo cyangwa yandika mu binyamakuru, ibitekerezo bye bigera ku banyarwanda hafi ya bose ndetse n'abanyamahanga; birumvikana rero ko iyo byubaka bigirira abo bigenewe akamaro aho kumarana baku-baka urwababyaye, naho byaba bisenya nabwo bikabasenyera bagasongana.

Munyamakuru rero uzi ibyo za R.T.L.M. na za KANGURA byadukoreye, gira uruhare mu bwiyunge bw'abanyarwanda ubaha ibitekerezo byubaka bibakangurira kubana aho kubashyushya imitwe ubateranya. Mu gutara amakuru kwave, tora yose ulko yakabaye, ukugejejeho igitekerezo kiyo-bya ugerageze kumuyobora, iby'amakabyankuru ntibibura nabyo uzajye ubyibuka maze mbere yo kuyatanga ubanzé uyanonosore, uyashungure urebe neza ko adashobora gushumika imitwe n'imitima by'abayumva; atangazwe azira urukumbi agire icyo yungura imbaga iyabwirwa.

Munyamakuru, sura abaturage utavangura uturere, ngo wibande aho uvuka cyangwa aho ukesha ifaranga. Nta munyarwanda n'umwe ubaho adafite ijambu cyangwa igitekerezo yageza ku bandi, nta n'akarere kabaho katagira inkuru, ikiganiro, umuco kihariye, ... Umunsi rero uzajya gusura akarere aka n'aka, abagatuye bose bakaza bakugana, nta busabane buzaba buruta ubwo kuko n'abazaba bataziranye cyangwa batavuga rumwe, bazahura baluriza ibitekerezo hamwe bityo amahoro aganze ukwishishanya muri bo.

Itangazamakuru muri rusange nirigire uruhare mu bwiyunge bw'abanyarwanda ritegura kandi ritanga interuro nyinshi kandi zinyuranye, ku cyakorwa kugirango ubwumvane n'ubusabane bisagambe mu banyagihugu. Radiyo y'u Rwanda niyongere ibiganiro ku cyateye abanyarwahda guhemukirana ndetse n'icyabatera kwiyunga, n'ibinyamakuru byongere inyandiko kuri izo ngingo. Itangazamakuru nirikangurire abanyarwanda umuco wo kwemera iwayaha, aho kucyitaza, cyaturwe kandi gisabirwe imbabazi byose bijyane no kunva ukuri, usabwe imbabazi azitange atiganyira maze tubabarirane ntitubambane, ahubwo dusabane kandi duhane imbabazi kuko turi abavandimwe.

AMAKORANIRO RUSANGE

Ubusanzwe ikoraniro ni ihuriro ry'abahuje ibitekerezo, ibibazo cyangwa ubuzima rusange, bahura bagamije ikintu iki n'iki gishobora kubagira akamaro. Akunze kugaragara ni nk'ingando z'urubyiruko ruhuje umuryango (mouvements d'actions), ibiganiro mpaka ku nteruro zinyuranye, amahugurwa y'abakozi, amanama yo hirya no hino, ... Ayo makoraniro rero amuriramo abantu baturutse imihanda yose badahuje amoko uturere n'ibindi, gusa bahujwe n'igitekerezo rusange. Niba havugwa ihingo y'amajyambere y'ububanyi n'amahanga, y'iyobokamana cyangwa izindi, ubwiyunge ubusabane n'amahoro by'abanyarwahda ntibigaheze inyuma; nibivugweho n'urwa ruhurirane rw'abadahuje ubwoko n'ivukid hashakire hamwe icyahuza abatavuga rumwe, babibangikanye n'ibyo bahanagarirwa, umurimo wabo ugaba utunganikwe neza kurushaho. Abategura ibiganiro mpaka nibibande ku ngingo zikangurira abantu kubana neza kubahana no guhana amahoro. Ubwiyunge bw'abanyarwanda bureba buri munyarwanda wese aho ava akagera; ndetse n'ibikorwa byiza bigerwaho iyo umutuzo wuje imitima y'abatuye igihugu, ibitezwa imbere umubano nibishyirwe imbere n'ibindi bizatunganywa nta kabuza.

UMUTURAGE USANZWE ( wa nyuma y'amarorerwe )

Duhere ku wakoze amarorerwa akica, agasenza agasahura. Ibyo ribyo byose na we yabonye cyangwa abonako ibyo yakoze ntaho bihuriye n'ubumuntu. Niba afite imigambi yo kubikomeza nasubize inkota mu rwabati, amaraso yasheshe arahagije, niyunamure icumu ku-ko ibicumuro biramurenze, nareke kubica mu kwica ahubwo yicuze acubye uburakari bwa NYAGASANI, yikubite imbere y'abo yateye gutakara mu isibaniro ry'amashyano, abasabe imbabazi; arahire yivuma ko atazigera yongera guhemukira umunyarwanda aho ava akagera. Ibyo nabi-rangiza yishyire mu maboko y'ubucamanza ntakabuza nabwo buzaca inkoni izamba kuko uwo mutu azaba abaye nka ya ntama yazimiye yasanga izindi umwungeri akishima.

UWICIWE

Na we ukwiye kwirinda kwiheba cyangwa kwigunga, niyumveko afatiwe iry'iburye ntacyo ateze kuburana u Rwanda nasabane n'abo babana n'uje amugana amusaba imbabazi abikuye ku mutima, ace inkoni izamba amubabarire ibitekerezo byo kwhorera abihungire kure kuko bikorwa n'Imana gusa.

URUBYIRUKO

Rubyiruko, ni twe ntango y'ubwiyunge n'amahoro by'u Rwanda n'abaratuye. Turi ba SEKURU B'ABAZAZA. Nimumfashe tubanze tugaye twivuye inyuma bagenzi bacu b'uru-byiruko bakoze amarorerwa yoretse u Rwanda, bakaba barafashe iya mbere mu guhohotera inzi-rakarengane. Rubyiruko rero tureke gutera ikirenge mu cy'abayobye ahubwo dushakire hamwe icyakorwa kugira nge abahemukiranye bongere bavuge rumwe, batumirane babane neza. Kwirinda amacakubiri yose n'icyo yaba ashingiyeho cyose niryo shingiro ry'umushyikirano n'amahoro bisesuye kandibihoraho. Urubyiruko ruri mu bibazo niruterwe inkunga n'urungano rureke kwiheba rwirinde ibikorwa cyangwa ibitekerezo byarutera kwigunga ahubwo rukanguki-re ibyarwibagiza ibyo bibaze nk'imikino, ibiganiro rusange, ...

Rubyiruko, nitwirinde ibiyobyabwenge bifata umuntu akazungera, akazengera akaba igicucu yari umuntu, biri mu bya mbere byatumye urubyiruko rwiraha mu mahano yoretse u Rwanda, ndetse ni n'imbogamizi y'umuzi ku bwiyunge bw'abanyarwanda. Ahubwo aho guhurira mu tubare cyangwa mu runywore rw'ubwo burozi, ni duhurire mu ishuri, mu kibuga, cyangwa mu yindi mirimo, dusabane dusangira ibyishimo by'uko tungana. Burya rero igihe tubuze icyo dukora tudafashe isuka, ikaramu cyangwa agapira ngo dukine, nibwo haboneka umwanya wo gutikura no gucura amatindo atanya. Nibwo dutekereza ku mihoro ihonyora abafite ihoho bagahirimba nta nenge, aho gutesekereza ku mahoro ahuza imitima igasabana.

Ni dushikame turwanye udushwanisha aduteranya turi bene MUGABUMWE, twigire umwe tuvuga rumwe amahoro n'ubwiyunge duharanira tuzabigeraho nta kabuza. Nidutere ikirenge mu cya bagenzi bacu b'i NYANGE n'i MURAMBA biyemeje guhara amagara yabo aho kwicamo ibice. Nitugenza dutyo tuzabaho BUNYANGE kandi TUZARAMBA mu mumahoro azira gitesha.

UMUTEGARUGORI

Na we natege yombi iyi mpuriza, afatire iry'iburyo igihugu cye, atange umuganda mu bitekerezo cyangwa mu bikorwa ku cyakorwa kugira ngo abanyarwanda bongere babane. Ha agaciro urwe rugori rwave, ugendera kure amatiku atanya akenshi aterwa n'abata igihe cyabo mu tubare bagata umutwe. Irinde amashyari asenza ahubwo ugire ayubaka maze ubihe urukundo mu bana bawe bakure batazi inzangane kuko nibo Rwanda rw'ejo.

Niba ufite umufasha mujye mufata umwanya mwicare mucoce utubazo turi mu muryango, mwige ku mibanire yanyu n'abaturanyi ikitagenda gikosorwe. Kangurira MYUGARIRO wawe kwibuka gusaba imbabazi abo yakosereje, bizababera ipfundu mubo mubana. Nawe kandi iryo banga ryo kwiyunga uryibuke maze uwo wagiriye nabi umwikubite imbere umusabe imbabazi.

Niba uri umupfakazi utagira uko wigira isunge bagenzi bawe ureke kuba nyaka mwe ugerageze kwiyibagiza ibibazo uterwa n'ubwo bupfakazi. Mu biganiro byawe amaganya ntukayabanze imbere uganyira n'abatakumva ahubwo baguhema, kuko burya ngo "UGANYIRA UTAKUZI AKAKUNYAGA" umutima w'imbabazi uzajye ubanza mu byo ukora, nibwo n'uwalugiri e nabi azaza akwikubite imbere ku bw'ikimwaro azaba atewe n'iyo myifatire yawe. Mutegarugori aho uri hose hunga ivangura iryo iriryo ryose kuko riviramo urikora umuvumo wo kuvusha uwo bavuga rumwe bavukana, imivu y'amaraso ikaranga ivuko. Kangurira umusore wawe kutaronda isura, ubwoko cyangwa akarere by'umugenya yifuza; n'inkumi bibe uko ntikurikire akoko, akarere, cyangwa idini by'umugabo yifuza. Intambwe mu bwiyunge bw'abanyarwanda izaba **itewe**.

Banyarwanda, Banyarwandakazi, igihe kirageze ngo dutsinde amafuti adutandukanya nk'uko umuririmbyi w'umunyarwanda yabivuze. Uguhemukirana kwabaye hagati yacu ntawekwateye ishema, uretse kongera ibibazo twari twisanganiweho ishavu n'ag'hinda. Amaraso yamenetse arahagije, turwanye n'ingufu zacu zose icyatuma hameneka andi maraso manyarwanda.

Dufatane urunana tutita ku moko, twirinde gutotezanya dutongana nk'aho tutota iziko rimwe. Nitwisungane tudasongana, tutanasigana kuko burya dusangiyeye sogokuruza. Nitureke gupfa ubusa nk'abapfapfa bapfa amagambo kandi dufite ipfundu riduhuza; Noneho duhane amahoro n'imbabazi tureke guhungana no guhangana nk'abahindana kandi duhujwe na byinshi.

Muntu wese ukunda u Rwanda, rwana urwambike isaro ryarwo, ruhore rwizihewe n'abarwo, amahoro ahinde i Rwagasabo, IJABIRO JAMBO YAGIZE IBANGA, RWANDA YOSE IHAGIRE IJAMBO .

S E M I V U M B I Daniyeli  
Urwunge rw'Amashuri rwo ku Nyundo  
GISENYI

I C Y A K O R W A  
K U G I R A N G O  
A B A N Y A R W A N D A  
B O N G E R E B A B A N E N E Z A.

ICYAKORWA KUGIRA NGO ABANYARWANDA BONGERE BABANE NEZA.

TUWUBAZE HEHE UMUBANO MWIZA?

1. Munyarwandakazi, munyarwanda  
Nzindutse nzindajwe na byinshi  
Ndabibutsa mbabaze musubize.  
Ibuka ibyago byogogoje u Rwanda
5. Uzi se impamvu uzi intandaro?  
Wabonye n'ingaruka mbi zayo?  
Uzi imiti yahosha ayo mahano  
Ikanayamagana burundu  
Akaranduka i Rwanda rukunda umubano?
10. Ngaho dutuze tuzirikane twese.

- Bijya gutangira kuba umwaku  
Mu mwaka mwakwibuka namwe  
Abanyanda baradutanya  
Abaturarwanda babacamo ibice
15. Baduteramo amatindi y'amoko  
Maze icyari ubumwe kiba umwaga  
Urukundo rurarundura  
Ubufatanye bwo burafutama  
Gutabarana biratabwa
  20. Abo barwanira inyungu zabo.  
Uuri ga kwimukira ikibi  
Urwango rwugururirwa irembo  
Ibisare byarwo birasagamba  
Isura yarwo irasumbukuruzwa
  25. Abashyingiranye barashyamirana  
Aho guhuza haza ubuhemu  
Aho gusangira turarasana  
Aho gutabarana turatera.  
Sinabasha kubishushanya
  30. Iby'ayo mahano biragatsindwa.  
Inkurikizi zayo warazibonye  
N!inkuba yakubise itagira amazi  
Njye nkabaza abasaza amasubyo.
- Bana beza b'uru Rwanda
35. Twarababajwe birambuye

- Twarashutswe biradushwanya  
Tuba ibivume-ruvumwa hose  
Umuremyi utaratwimye ubwenge  
Ubwe yaratinye no kurutaha
40. Kuko Sekibi yarutashye.  
Nyamara kandi tuganduke  
Dufatane twese twe gusigana  
Twisubize ya sura isusurutse,  
Inzego zinyuranye nizegerane
45. Zishake hose zinashishoze  
Icyazamura urwatubyaye  
Rukava mu bwirabure bw'ubwire.
- Bene Kanyarwanda niduhaguruke  
Tuwutahirize uwo murunga
50. Kandi baca umugani abanyarwanda  
Ngo "abishyize hamwe nta kibananira".  
Guverinoma yiyyemeje ivugurura  
Yamagane ivangura n'isumbanya  
Iry'uturere amoko amadini
55. Ba Kan~~y~~arwanda ba Mutarutana  
Twige gusangira aho gusobanya  
Duturane aho gutana  
Dutarame aho gutukana  
Ubumwe bwacu bube umurunga
60. Buzahore bushyitse iwacu  
Amahoro akure amahano.  
Abayobozi bayoboke icyaro  
Bacyame imicyamo batwegere  
Baducyamure tujye mu mucyo
65. Bacyahe abakitwa ibigwari  
Bimwe bigwabiza ubwiyunge.  
Inzego zose nizanzuranye  
Zishware hose zishakashake  
Icyarwubaka u Rwanda rwacu.
- 70 Ndahera no hejuru aho ngaho  
Ngeze aho hasi kuri rubanda

- Hatangwe inama zitunganye  
Izitatugarura mu matiku  
Izitaduterereza ubutindi  
75. Izitatujinjika mu bujiji  
Izidushyitsa ku mushyikirano .
- Buri muturage w'u Rwanda  
Afite uburenganzira nk'undi  
Hatazagira uwishuka  
80. Ngo agushumbije amashuri  
Ngo avuka aha n'aha  
Ngo atuye ahakomeye  
Ngo atunze imitamenwa  
Ngo arenze Mirenge.
85. Uzamusubize asigeho  
Uti "mu rwego rwanjye  
Rwaba urworoshye n'urukomeye  
Ndi mu gihugu cyanjye  
Cyanyibyariye kirandera  
90. Kandi umubyeyi ubyiruye  
Ntasumbanya ibibondo ndarahiye."
- Ese uko ubizi cyangwa ureba  
Inkingi imwe yagera inzu?  
Raranganya amaso  
95. Ubisuzume urebe  
Maze wihe igisubizo.  
Njye ndareba ngasanga  
Iyo sura mbi twasizwe  
Dusobekeye hamwe twese  
100. Twe twayisandaza  
Igasara amasigamana  
Ngasaba inkunga buri wese  
Mu gusana urwa Gasabo.
- Buri muntu n'icyo ashinzwe  
105. Ikimubeshejeho akaramuka  
Abe umucuruzi abe umucuranzi  
Abe umuhinzi abe n'umuhanzi  
Uwikorera, ukorera Leta  
Wowe muvuzi uvuna abarembye  
110. Abigisha abanyeshuri

---

Njye n'abashumba ga ndabashima  
Nkanabashaka ngo dushishoze  
Dushungure dushakashake  
Icyashimangira ubumwe bwacu.

115. Erega rwose si amashyengo  
Amashyo amashyongore birakenewe  
Gira abana, gira umuganji  
Gira amahoro, gira amahirwe  
Bimwe bitazinzitse mu nzika  
120. Ngo uvunye ihobe uhekenya amenyo  
Unakenyereye ku mwikekwe.

- Reka twese ga banyarwanda  
Abasigaye dusabane  
Burya ~~abarokotse~~ ni twese  
125. Nta we usanga atarakozweho.

- Wowe muyobozi n'abo uyobora  
Banyabwenge b'ingeri zose  
Abanyamadini n'abanyamakuru  
Twimakaze ukuri gukwiye  
130. Ikinyoma kigende nka Nyomberi  
Dore ko icyo cyago cy'icyangane  
Ari cyo cyoretse u Rwanda rwacu  
Rugacura umwijima w'urujojo  
Ukatujijisha tukajarajara.

135. Navuze byinshi inzira ni nyinshi  
Nyamara nyabuna ndingijze  
Udatera agati mu ryinyo  
Ngo winyonyonbere erega utahe  
Uti "ntibindeba ntiwambwiye."

140. Ndasubiza ijisho ku butabera  
M bubaze intambwe bwo bwatera  
Ngo butabare ko twatewe,  
Butangire atararenga.

- Mbe bacamanza muraca izihe  
145. Ko izanyu zinanyuranye

Nubwo nyinshi zishingiye hamwe  
Kuri aya mahano yaduharabitse  
Akaduharanga by'agahomamunwa  
Abanyarwanda bagahogomba?

150. Ngaho rero aho mu rukiko  
Kora akazi kawe utikoresha  
Abakujya mu matwi ubatwame  
Bamwe babunza impongano  
Maze impapuro zigatwikwa  
155. Amadøsiye amwe akarigiswa  
Amasinya yandi ubwo agasinyurwa  
Kuko iyo ndamu mu kwandavura  
Indunduro yayo ari agahinda.

- Wize amategeko uko ateye  
160. Waritegereje uratekereza  
Uyakoreshe mu bushishozi  
No mu bubasha bumwe wahawé  
Utabogama na gatoya  
Utabogamiye abatoya  
165. Nta ruhande uhengamiyeho.

- Wihutera ngo uhutireho  
Huguka ahubwo wihweze  
Uzirikane ko ukuri gukwiye  
Ariko kuzakemura izo manza.  
170. Ubutabera ni bwo bukenewe  
Ngo ubwiyunge ~~tabushyikire~~.  
Abo babutegereje batabarika  
Baratondetse mu magereza  
No ku mirenge baringinga  
175. Ngo urwikekwe rukendere  
Ibyo bicaniro byacitse  
Byongere byake byokkgwira.  
Abanyabyaha babyature  
Basabe imbabazi banazihabwe  
180. Aho kuduhoza mu makoni  
Bahisha ibizahishurwa  
Bazinzika ibizagaragara  
Hari abazonzwe n'inzozi nyinshi  
Izo bahanze ku butabera

185. Maze barenganurwe bwangu  
Bagarurirwe uburenganzira  
Naþbo bubake urwababyaye.  
  
Banyarwanda bana barwo  
Ubwenge bwacu bugana hehe
190. Ubwo bwiyunge budaharaniwe  
Ngo bwongere bwagagaze  
Bwaguke bukuze uruharo  
Uruhare rwacu turugaragðze  
Amahoro yaþuhunze ga ahunguke
195. Anaduhuzé duhimbazwe  
No kuzahura agahugu kacu  
Gato gatuwe nyamara keza  
Kazamuke kuje ubwuzu  
Ubwiza bwako bwamamare
200. Ari mü mubano w'abaþtuye  
Ari mu majyambere ingeri zose  
No mu bukungu dukungahare  
Abatureba batwifuze  
Badusingize abadusanga
205. Dusakare ku isi hose  
Dufite isheja ritangaje  
Rimwe ritungura abatatusi.
- 
- Ibyo bizagerwaho mbabwire  
Tugenda agatoki ku kandi
210. Kandi twungurana izo nama  
Mu runana, abana barwo  
Umuyoboro mwiza w'abatuycobora  
Gutekereza kw'abarutuye  
Intambwe nziza y'ubutabera
215. Ubuvunyi bw'abarutuka  
Ubuvuzi bw'abaruva mu nda  
Ubuhanuzi ubwo bw'abahanga  
Uwo muganda ga wa muganga  
Mu gushishoza banyeshuri
220. Mu kubabarira no mu bahinzi  
Mu kuzirikana bakozi mwese  
Mu kwanga ikinyoma hanyamadini.

Bagabo beza tuganira  
Bagore mwigomye imigozi yanyu

225. Basore nasabye gusabana  
Nkumi nziza duteze inkunga  
Bayobozi batojwe kutayoba  
Banyabushobozi duhanze ijisho  
Namwe bandi impande zose
230. Njye ndababwira ko bindenze  
Umutima wanjye ubitse byinshi  
Bitarangira ngo mutahe !  
Bityo ndacumbikira ha ngaha  
Navuze mwumva sinavunika
235. Kandi mwese ndabizeye .
- Igisubazo cyanyu kinejeje  
Ndagitegereje nuje ubwuzu  
Kizabe cyiza kandi bwangu  
Ubwo bwiyunge ni bwo bukenewe
240. Mwibuke hadakekwa ikindi  
Kandi rwose muzasanga  
Kunsubiza bidaserereza  
Ntibisobetse birasigmye
- Byashoborwa na buri wese
245. Mu bashishikajwe n'amahoro.
- Icyo gihe twese tuzishima  
Dushire intimba bishyire kera  
Dushire icyusa tube indasumbwa  
Usange hose banadushima
250. Tubikesha ubwo bwiyunge.

UMURAZA Mathilde  
C/O E.N.T. KIBUYE 5è A.  
B.P 13  
Tél. 68.156

MUGIRANEZA THEODOMIR  
URWUNGE RWAMASTURI RW'i GAHINI  
B.P. 88 RWAMAGANA  
UPWAKA WA GATANU W'INDIMI N'UMUVANGIZO  
GUTANGA IBITEKEREZO.



INTEGO: ICYAMICIMA KUSIRANGO ABANYARWANDA  
BONGERE BASABANE.

Nyuma y'uko igihugu cyacu kirohama mu marorerwa y'itsembarsemba n'itsembabwoko, ni ngombwa ko buri muryarwanda yacura urufungazo rw'ibitekerezo bishya, bigamije kuzahura imibanire ya Kanyarwanda, u Rwanda rwacu rukongera rukuba igihugu kizira ikizinga cy'umwiryanre n'ubushyamirane.

Ni muri urwo rwego nkimara kumva vyu mugambi wo gutanga ibitekerezo byalubaka u Rwanda rwacu, nagerageje gusubiza amaso inyuma nkurikije amateka y'u Rwanda rwo hambere, (mbere y'uko rubibwamo imbuto y'amacakubiri) spereye ku migenzo myiza ya gipfura, (ubusabane no kwanga umugayo) ndicara ndabiyungurura bimbera okabando ko gusindagiza ibitekerezo byanjye, ngo mbonereho kubagezaho icyakorwa laugirango abanyarwanda bongere basabane, bature, batuze, ndatse batunganirwe.

Dukurikije iyihe tugezemo, tukanafatina ku muco nyarwanda w'abasekuruza bacu, no ku mateka yaranze u Rwanda (mbere y'uko ruba igisare cy'ibizinga, bitewe na ba Rusahuriramunduru), ni ngombwa ko dukeresha issabune igomba kweza ibyo bizinga, u Rwanda rwacu rukongera rugatumba ituze n'umutekano bibereye abarutuye, ndatse n'amahungu akarwifusa.

Ubusabane bw'abanyarwanda bufite insinzi n'umuti mu ba'yarwanda ubwabo, kandi bose bashyizeho akabo nk'uko urugingo rwifashisha urundi, maze bikagera ku gikorwa kigaragara. Niyo mpamvu buri mumyarwanda alwiye gutera mugenzi we iikunga mu kubaka iki gihugu cyacu.

Muri iyi nyandiko irambuye, halubiyemo ingingo z'ingenzi, zishobora kuba isoko y'ubwiyunge bwa bene kanyarwanda. Ngo "Umutwe umwe wifasha gusara ntiwifasha gutekereza". N'ijo mpamvu ngirango mvuge kuri izi ngingo zikurikira, zunganire izi abandi badahwema gushakaza umuti w'ubusabane bw'abanyarwanda:

1. GUHARANIRA IMIBEREHO MYIZA Y'ABATURACE N'UBURINGANTRE.
2. GUKORERA MU NUUCYO KW'ABATEGETSI ARIYO NKİNGI Y'UBWIVINGE BW'ABANYARWANDA.
3. KWİYIBAGIZA NO GUHOSORA AMATEKA MAGI YARANZE U RWANDA.
4. IMIKORERE Y'UBUTIBERA.
5. KUMVA KO DUSENYERA UMUGOZI UNWE.
6. KUZAMURA UBUKUNGU BW'IGIHUGU CYACU.
7. KUGARUKIRA INANA.
8. IMIKORERE Y'ITANICAZA HAKURU.

1. GUHARANIRA IMIBEREHO MYIZA Y'ABATURACE N'UBURING UNIRE.

Ubukene, ubujiji n'indi mibereho mibi ya bene kanyarwanda, ni bimwe mu byabaye intandaro y'uburiganya n'umwiryanu muri uru Rwanda rwacu rwatemba ga ituze n'umutekano. Leta y'u Rwanda ibifashijwemo n'impuge zo mu nzego zingiranye, ikwiye gushakira abanyarwanda b'ingeri zose (impunzi, imfubyi, abakene.....) uburyo buboneye bwo kubiba imbuto y'ubugwaneza n'imibereho myiza mu mitima yabo, u Rwanda rwacu rukongera rukaba igihugu gikanaze kizira amapfundo.

Ntibizashoboka ku munwa gusa; ni ngombwa ko abategetsi batagomba kuzirika ku katsi abaturage, amaso yabo agakera mu kirere nk'uko ariyo ntego yaranze uru Rwanda rwacu mbere y'uko twigobotora ingoyi y'inyangabirama ku byerekeye:

1<sup>a</sup> IMPUNZI : Tuzi ko muri uru Rwanda, ikibazo cy'impunzi ari kimwe mu bigomba gukemurwa mu maguru mashya, ngo twongere twivomere ku isoko y'urubogobogo itemba umutekano, amahoro, n'ubusabane. Nk'uko tuzi ko impunzi zirimo ibyiciro 2, (Ni ukuvuga izahune muri 1959 n'izo muri 1994) kandi bose bakaba ari abanyarwanda bagomba kumererwa neza, tukongera tukibaruka akariri-mbo k'ubusabane n'ubwijunge bw'abanyarwanda.

Leta y'u Rwanda n'abanyarwanda bose, bagomba gukora ibikuriki-ra:

\*Kubakira uwitwa umunyarwanda wese uafite aho kwikinga bite-we n'intambara cyangwa se izindi mpamvu zitamuturutseho.

Aho umuntu ashobora kwibaza icyakorwa, kugirango abari mu mazu y'abandi bagira icyo bagenerwa.

Burya iyo umuntu afite icyo arya, n'aho yikinga, umutima we utahamo ubuhoro. Leta igomba rero kubakira uwitwa umunyarwanda wese utagira aho yikinga kandi bose bakegerana (mu midugudu), kuko icyo gihe ntawe uzajya guhuguza inzu afite indi:

Leta igomba gushakira urubyiruko uburyo bwo kwibumbira mu mashyirahamwe aho ru~~z~~ajya rushishikazwa n'umurimo, aho gushishikazwa no gucura amagambo n'ibikorwa bisenya. Icyo gihe urubyiruko ruzatera indirimbo y'ubufatanye rwakirane mu bitero aho gutera indirimbo y'amaganya buri wese yigunze ukwe.

\* Gushakira umutekano uhamye abanyarwanda bose bizatuma bakora batishisha, igilugu cyacu cyongere kibe inyabutatu izira gu-sobana cyangwa amapfundo.

Erega ubu turubaka dusana ibyasenyutse si ugutangira bundi bushya. Kubaka inzu rero utarayitangiriye biragoye. Abanyarwanda rero bagomba kumererwa neza, bakabona ibibatunga baki tabwaho na Leta, nabo bagashyiraho akabo bakigoma imbaraga zabo, zose, kuko burya umudiho uva mu itako kandi ntewe ukora atariye. Ni ngombwa ko Leta yita ku mibereho myiza y'abaturage cyane cyane impunzi n'imfubyi abakene n'abandi bakeneye kwitabwaho n'uko tugahagurukira hamwe tugatutira imigozi y'ubusabane n'ibiti by'umutekano, u Rwanda rwacu tukongera tukarutanaga. Nu maguru mashya, impunzi izo arizo zose z'abanyarwanda zikwiye kwitabwaho by'umwihariko.

2<sup>a</sup> IMFUBYI: Burya ngo" uburere buruta ubuvuke". Imfubyi z'u Rwanda zirira imitaga zitagira epfo na ruguru nta cyagerwaho. Leta y'u Rwanda ibifashijwemo n'imiryango ya bene Kanyarwanda, ikwiye kwita ku mfubyi kuko arizo itezeho amaso. Dore ko abenshi ari urubyiruko, kandi ariyo mizero y'u Rwanda. Imfubyi z'abanyeshuri zigomba kwiga zikanitabwaho, abana bato bagahabwa uburere bwiza ku buryo bakura ari abagabo bibite-kerezo byubaka, kandi ngo" igiti kigororwa kikiri gito".

.../...

3.2 UBURINGANIRE: Tuzi ko iyi nyanja y'ibibazo twarehanyemo yntewe n'ivangura, ironda kare - re no kwikubira. Leta y'u Rwanda nka Leta ikorera abaturage, igomba kwamamaza amatwara y'uburinganire mu banyarwanda buri wese akumva ko ataruta undi, abantu bakarutanya hakurikijwe ibitekerezo n'ubushobozzi ku kazi. Ibyo bigomba gusakazwa kandi bigacengeza mu baturage bose, hakoreshejwe amanana menshi, akangurira abanyarwanda lubana neza, ibiganiro mbwirwaruhame, ibinyamalturu na radiyo y'icihugu.

2. GUMORERA MU MUCYO KW'ABATEGETSI ANIMO  
NTINGI Y'UBUYUNGE BW'IBANYARWA DA.

Burya ubutegetsi bw'abaturage bukorera abaturage ni inkinci y'ifatizo, ifatiye runini abaturage b'icihugu iki ni iki. Muri uru Rwanda rwacu, politiki mbi y'abategetsi ikorera mu cyuka niyo yabaye intandaro y'ibibazo byugarije kandi byahesheje isura mbi u Rwanda rwa Gasabo.

Muk'uko twiyemeje kugenderera no mucyo Leta y'u Rwanda ikwiye kuba Leta ihame ikorera mu mucyo kandi yita ku baturage. Aha ndashaka kuvuga kurwanya ruswa, kwitabira umurimo uko bigeneve, lugenzura niba ibi byose bishyirwa mu bikorwa; Leta igomba kwereka abaturage ko ibyo ivuga bislyirwa mu bikorwa; icyo gihe abanyarwanda bazayigirira icyizere bakore bashishikaye, igilugu cyacu gisubirane isura cyahoranye.

Urugero: Niba ivuze ko imfubyi zigomba kwiga cyangwa abakene bagomba kwitabwaho, ikabyizeza abaturage, ikisere ntikikazabe ikiraje amasinde alubwo bijye bishyirwa mu bikorwa, intimba n'agahinda k'izo mbabare bizasimburwa no kwishimera n'abandi banyeshuri ndetse bumva bamcrewe neza mu bandi.

Abategetsi bagomba kugenderera rubanda rugufi, cyane cyune intumwa za rubanda kuko aribwo bazamena ibibazo byabo, bakkabona kugira icyizere cy'uko bitaweho. Leta igomba gushakira abanyarwanda ubutegetsi buhanye, butari ubukorera mu cyuka alubwo bukorera mu mucyo kandi bwitayeho abaturage, kuko icyo gihe abanyarwanda bazagubwa neza u Rwanda rwacu rukongera rukarangwa n'ubusabane.

3. INTYIBAGIZA NO CUMOSRA MU TEKA MABI  
YARANZE U RUMUDA.

Utwalkwiyibagiza amateka mabi yaranze u Rwanda atabanje kumenya amavu n'amavuko yayo. Uwundi mbere y'unwaduko w'abazungu wasangaga abanyarwanda babanye neza ibyo bikagaragazwa no gushyiringirana, guhana iku, konyvana .....ntawitaye ku bwoko bw'undi ya mvugo ivuga ngo" si ibya nyakuvugwa n'ibya nyakwihorera". Bishatce kuvuga ko ibyabaye byose bifite urufunguzo twakwita ivangura bikwiye gutabwa mu bisimu aho bitazongera gutora ubuzima-gatozi bikaba byakongera gutera aba yarwanda gucura urufunguzo rw'ubusyamirane.

Igisimu nta kindi, ni ulubitera umugongo bakabyikura mu mitima yabo, aho gusubiza amaso inyuma uhindukiriye ibumoso, ni uluvuga vibuka ibibi byose byakubayeho ugahindukirira iburyo n'uko twese abanyarwanda tukivomera ku isoko y'abakurambere bacu, mbere y'uko u Rwanda rwa bene kanyarwanda rurohamma mu nyanja y'amacalubiri.

Tuziko politiki mbi ishishikaje cyane urubyiruko(mu mashyamba ya politiki ya rutwitsi). Ni ngombwa ko Leta ibifashijwemo n'abaturage bose babumbira urubyiru-ko mu mashyirahamwe aho bazarangwa n'ubufatanye mu knzi kazo aho kwigunga buri wese ukwe, .../...

bakanahabwa inyigisho zikosora amateka mabi. Icyo gihe, urubyiruko ruzatumira ababyeyi bizihiwe, bagubwe neza ndetse baruhurwe mu butaramo n'ubufatanye, maze abanyarwanda twece ducinye akadiho, ubusabane bube bwose kuko ntacyo dupfa.

Ubuhahirane bw'abanyarwanda no gufatanya byatumye habaho ubutunzi bw'inka ndetse n'imyaka: nk'uwabaga afite ibitebo bitanu by'amasaka akabigurana inka imwe bityo bityo. Umuzungu aje ati ufite inka 10 kujyana hejuru ni umututsi, ufite hasi yazo ni umuhutu, umukene we ngo ni umutwa (babuze uburyo bwo kudutegeka). Biba ihame birigishwa, ingaruka yabyo iba gusubiranamo kwa bene kanyarwanda, ibyo bantu nta shigiro bifite nimucyo rero twiyibagize ayo mateshwa adafite aho ashingiye, kuko ubu dufite abagabo bibitekerezo bizima, kandi imvano yabyo byose yari ubujiji.

#### 4. IMIKOTERE Y'UBUTABERA

Muri iki gihe tugezemo, hagomba ubwitonzi n'ubushishosi kugirango ubutabera burusheho gutunganya imirimmo bushinzwe. Kubera ho abanyarwanda bagize igikomere cyo kubura ababo, bikaba bigoye kujyana n'ubutabera mu gacaca, ri rgorba ho buri muryamanda wese atekereza ku kibazo cy'ingutu u Rwanda rufite, maze okumva ko nave afite uruhare mu kubikemura, akunganira ubutabera mu guca imanza z'abaheluye u Rwanda binyuze mu nzira y'umucyo. Muri urwo rwego abaturage ntibagomba guhisha abanyamakosa cyangwa abakoze ibyaha bikomeye, ahu bwo bagomba kubashyikiriza ubutegetsi bakaba beroherewe ubutabera akazi. Icyo gihe ubutabera buzakora akazi kabwo abanyarwanda babone kumererwa neza.

Ubutabera bugomba guhana abakozé ibyaha kulturikije uburyo babikoze:

- \* Abishe bagomba guhana by'intangarugero kugirango n'abandi barebereho.
- \* Abasahuye bagomba gushyirwa mu gacaca ka kivandimwe bakaryozwa amahano bakoze bakongera bakagira ijambo mu bandi nk'uko byahozeho kera mu muryango: kera, ubundi yakoraga ikosa (nko kurumanza inka, gukora ibizira mu muryango) agashyirwa mu gacaca ka kivandimwe ubwo bakamuca icyiru, akongera akagira ijambo mu bagabo.

Mu rwego rwo lworohereza ubutabera, abasahuye bagomba kugororwa n'imiryangi muri gacaca, aho kwirirwa bafungiye mu mazu barira ubusa nta gukora, kuko aribwo bazongera bakagira umwanya mu bandi nabo bagakorera urwababyaye.

Ubutabera ntibugomba gultingira ikibaba abagiranabi, bilunda gulkururwa na ruswa. Aha rero bugomba kugenzura ko hari abacamanza barya ruswa cyangwa ibindi bikorwa byose bijyanye n'uburiganya. Ubutabera rero bugomba kwongera umurego mu guca imanza, kuko abanyarwanda bazarushaho kwiyunga balongera bagasabana.

#### 5. KUVVA KO DUSERITRA URUGCI UNWE.

Umuyarwanda yarihoreye ati "ababiri bishe umwe". Tuzi ko mu kinyarwanda nta mugani ngana ubusa. Banyarwanda rero dulwiye kovicara tugasubiza amaso injuma, tukareba ubufatanye bw'abasekuruza bacu maze tugatumaho imitaga, tugakorera kumwe tutikoresheje, dute-ganyiriza igihe kizaza.

.../...

Leta y'u Rwanda ifatanyije n'abanyarwanda bose, ikwiye gutanga inyigisho z'ubufatanye mu buhinzi n'ubworozzi, dore ko ariyo nkingi y'ubuhungu bwacu. Icyo gihe abanyarwanda bazashishikarira umurimo kandi babone umusaruro utabutse, ndetse bashishikarire gusabana mu kazi kabu, bumve ko bose batera indirimbo y'ubufataye balururwa mu bitero, ntawe usiga-ye mu mayogi. Nk'uko umubiri u'umuntu ugizwe n'ibice bitatu by'ingenzi, (umutwe, amaboko n'amaguru ndetse n'igihimba) kandi buri gice kigakenera ikindi, lugirango bisoze inshingano yo kubaka umubiri, ni ngombwa ko inyabutatu nyarwanda igomba gikorera hamwe, ntwe tugaso-za inshingano yo kubaka u Rwanda. Leta y'u Rwanda rero igomba gukangurira abanyarwanda ubwo bufatanye dore ko yateye n'intambwe yo kubatusa mu midugudu aho bazaba begeranye.

VI. Kuzahura ubuhungu bw'igihugu cyacu.

Iyo igihugu iki n'iki abaturage bamorewe neza babona ibibatunga n'ibindi bakenera mu buzima, ntawe ugirira ishyari undi kuburyo usanga bose baganira nta kibazo bakanashyikirana kivandimwe.

Kubera iyo mpanvu ni ngombwa ko kuzahura ubuhungu bw'iki gilugu cyacu ari bimwe mu byatumu habaho ubusabane.

Leta y'u Rwanda ibifashijwemo n'impuguke mu by'ubuhinzi n'ubworozzi, ikwiye guteza imbere iki gikorwa hakaboneza umusaruro utabutse w'imyaka n'ibikonoka ku matungo, abaturage bakamererwa neza aho guhagarika urutima bibaza icyo barurira, bavuga ngo icyamirane.

-Leta ikwiriye gukangurira kandi abanyarwanda bose ko barebwa n'ikibazo cyane cy'ubuhinzi n'ubworozzi kuko ariyo nkingi y'ubuhungu bwacu.

Leta y'u Rwanda ikwiye gutera intunga abanyenganda n'abaryabukorikori lugirango babone uburyo bwo kwalira abakozi benshi, sho basashishikarira gikora, aho kwirirwa baze-ngerera mu mijyi n'ahandi, abandi bimoreye neza, bikaba byatera abo babuze akazi kubagirira nebi ishyari, ubusabane nyarwanda bukaba bujemo igitotsi.

Abacuruzi bakwiye kworoherezwa na Leta lugirango akazi kabu kagende neza. Ibyo bizatuma habaho uburumbuke bw'ibintu binyuranye kuburyo abaturage babifashijwemo na Leta bacajya babona ibyo bakencye bitabagoye.

Leta y'u Rwanda rero ikwiye gushishikarira kumishi abanyarwanda ko buri wese afite uruhare mulimakura ubuhungu bw'igihugu cyacu. Icyo gihe basitabira gikorera hamwe maze bajye inama basabona kivandimwe aho kuba buri wese nyamwigendaho akirirwa yigira inama yo guhungabanya ibikorwa by'amajyambere cyangwa amagambo amwe userya aho gicura amagambo yubaka.

VII. Kugarukira Imana.

Banyarwanda, batura Rwanda, u Rwanda rwacu rutaragira igitutci cy'itsembabwoko n'itsembarsemba Imana yirirwaga alandi ipatsha i Rwanda. Imana rero ntikorera mubitayihe-sha icubahiro (amahano, ubushyamirane n'urwiriyane) akubwo ikorera mu mucyo kandi ntiyanga abanyabyaha akubwo yungi ibyaha. Dulwiye rero gusubiza amaso injuma tukareba ibitarayi-nejeje twayikoreye maze tugaca bugufi tukayigarukira, ubwo neyo ikongera igafungura amayira yayo n'ubwo itigeze idutererana, ikmajya yirirwa ikanataha i Rwanda buri munsu. Kubera iyo mpanvu, ... abanyamadini n'abandi bazobercye iby'ijambo ry'Imana babifashi-jwemo na Leta, balkiriye kujya bagenderera abaturage b'ingeri zose, baberekira ibyiza

.../...

Imana yakoreye abantu aba n'aba n'uburyo ntawo ijya itererana ariko aturi bya bindi byo guca abantu intenge babatera ubwoba, bagacila rukorero. Icyo gihe abantu basabindura imitima yabo bunve ko ibyo bakora byose babifasiwamo n'Imana kandi bibuke ko ifakorera mu kavuyo ahubwo ikorera mu mucyo nabo bahereko bareko amatiku n'amacalubiri bibuke ko ifasha abishyi-ze hamwe.

#### VIII. INIMORERE Y'ITANGAZAMAKURU

Tuzi ko itangazamakuru naryo ryagize uruhare rukomeye mu itsembatsema (Radiyo y'impuzamugambi, Kangura n'ibindi binyamakuru) mu kiyamaza amutwara no guhamagarira abanyarwanda kuryana. Kubera iyo mpamvu itangazamakuru rigomba lugira uruhare mu busabane bw'abanyarwanda:

\* Ikigo cy'itangazamakuru na Radiyo y'igihugu bigomba guhamagarira abanyarwanda kwijuruga.

- Radio y'igihugu igomba lugira no kigeza henski ku banyarwanda amaturazo ashimishije kandi anogeye amutwi, abumagarira abu yarwanda kwijuruga no gusabana ikarabereka akamaro kabyo. Icyo gihe abanyarwanda igihe bazuba basoma ibyo binyamakuru cyangwa bumva cyo matungazo bazibonora akamaro ko gusabana no lubana kivandimwe maze behagurukire icyarinwe bashyira mu bikorwa ibyo basomye cyangwa bumvishe.

Leta y'u Rwanda igomba gulyi y'abaturage itangazamakuru ko rigomba lugenderera abaturage b'ingeri zose bakabacengezamo uburyo abantu basabana n'inyungu yabyo, maze aho babicengeje byabagiyemo bakabitangaza mu binyamakuru no kuri Radiyo. Icyo gihe abandi nibabyumva bazafata urugero maze nabo behagurukire kwijuruga no gusabana.

Ni ngombwa ko itangazamakuru ribifashijwemo na Leta rigomba kwitabira alanzi karyo kandi ritangaza amahuru yizwe neza, rinalorera mu mucyo luko naryo rifite uruhare mu busabane n'ubwijunge bw'abanyarwanda

Banyarwanda, batura rwanda, nk'tiko twabibonye mu magarbo arambuye alkubiye muri iyi nyandiko, nimucyo duhagurukire icyarinwe, maze ducane urwatushaye. Kwibuke ko twibaka dusana ibyasenyeutse, atari ugutangira bundi bushya. Burya kandi ngo "utama yubaka aruta usenya". Duhagurukire icyarinwe, duslyircho urwete kuko bira tuzaba kivunika ariko ngo "ushaka inka aryama nkizo".

Tubabarane maze dusubire mu gacaca ka kivandimwe, twibuke ko ubujiji ariyo solo y'aya magorwa turimo, bwagiye nk'ifuni ihese. Rubyiruko dufatane urunana maze dukize uru Rwanda igitutsi rwagize, twibumbire mu maslyirahanwe, maze umubane n'ubusabane abe ariyo bituranga luko ariyo migozi n'ibiti bizatanaga uru Rwanda rwacu.

Dutabarane dutera ikirengé mu cy'ebaturambere bacu, twite ku mfubyi abakene n'abandi bakoneye kwitabwaho, maze Imana irusheho kuduhozaho ijisho idufashu muri byose. Leta y'u Rwanda n'insegó zose z'ubutegetsi, irasabwa nayo intunga, ikitanga igakore-ra abaturage, ikarangwa n'umucyo, maze tweso abanyarwanda; abakuru n'abato tukarushaho guharanira lubana no gusabana kivandimwe, u Rwanda rukongera rugasubirana ucusugi rwahoranye. Nimucyo rero amazi atarenga inkombe cyane, maze tukongera kurohama mu nyanja y'ubushyamirane n'umwiranye, dufatane urunana dukangukire ubufatanye.